



सानसेयारि

बड'सा

सानसेयारि "बड'सा" खीरालाइयाव
अमाज्यादि जिउजो लोब्बा थावाय रायथाय, खन्थाय,
अल', अल'बाथा आरो हावबायादि थावनि, पार्क
बाइदिनि सायाव लिन्नाय लिन्निबाँ दैथाय ठर/
सानसेयारि "बड'सा" खीरालाइयाव अवेरानावै
फोसावगोन।
बड'सायाव लिन्नायदि हुबा खालाम,
"बड'सा" खी नोथो, जो बयबो आंगो खालाम।

सानसेयारि बड'सा मावखुलि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 8 December, 2023 Kokrajhar, BTC, Assam ★ Vol.- 33, Issue No. 252 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

गसाइगावनि दावागुरि हाथायाव उदाई जुवा खेला सोलिनायनि अजद सिखांदों

गसाइगाव, 7 डिसेम्बर: कक्राझार जिल्लानि गसाइगाव महकुमानि दाब-दाब जायगायाव समाज बेरेखा सुबुंफोरनि दैदेनाया जुवा खेला सोलिबोनाय जाथाया समाजारि थासारिखौ गुबुंले खालामनायखौ नुनो मोन्नाय जादों। गसाइगाव महकुमानि सिमलतापु पुलिस आउट फस्टि सिडव थायाव दावागुरिनि माखासे सांग्रां नोगोरारिफोरा दावागुरि हाथायाव उदाई जुवा सोलिनायनि गोखों अजद दैखांदों। माखासे जुवारिफोरा सानफोमबो दावागुरि हाथायाव जुवा खेला (□ 5 बिलाइआव)

हमेन बरगहाजीनि 92 थि जोनोम सान आरो थुनलाइगिरि पेन्सन गथायनाय हाबाफारि खुंदों असमीया थुनलाइनि बेसेन गोसा बिजाबफोरखौ भारतनि गुबुन गुबुन रावसिम सोलायनायनि थाखाय राइज्यो सरकारआ नाजागासिनो दडः ड० हिमन्त बिश्व शर्मा

“जनजातीफोरनि राव बिजोर्जो गुदि फरायसालियाव सोलोथाइ होनो राइज्यो सरकारआ थाखि आजावदों”

दिसपुर, 7 डिसेम्बर: मुंदांखा थुनलाइगिरि हमेन बरगहाजि 92 थि जोनोम सान आरो 2023 माइथायनि थुनलाइगिरि पेन्सन गथायनायखौ लोब्बा लानाने दिने राइज्यो सरकारनि गोर्जो सोलोथाइ बिफानआ जनता भवननि बेखनयाव थायाव लकसेवा



नब्लाडव खुंनय हाबाफारियाव आसामनि गिबि मन्थ्रि ड० हिमन्त बिश्व शर्माआ बाहागो लाफेदों हाबाफारियाव गिबि मन्थ्रिआ



मुंदांखा लिरगिरिनिसिम मान बाउनयाजों लोगोसे सा 23 थुनलाइगिरिफोरनो हाबाफारि बायदिये थुनलाइ पेन्सन गथायो।



मख'नो गोनांदि, 2023 माइथायनि थुनलाइगिरि पेन्सन मोन्नाय

थुनलाइगिरिफोरा जाबाय-शिताराम बसुमतारि (बाक्सा), जया देव (काछर), चम्मालाल सिन्हा (काछर), बगेन गगै (धेमाजि), अनुपमा नाइदि (दिमाहासाव), ड० परितस चक्रबर्ति(गवालपारा), ड० मलिना राभा (गवालपारा), जुला शर्मा (गलाघाट), सेनिराम गगै (गलाघाट), ड० मालिनी (जरहात), ड० अंकन चन्द्र शइकिया (जरहात), बिनन्द शर्मा पुजारी (जरहात), राज लक्ष्मी (□ 5 बिलाइआव)

तामलपुरआव खेल महारन हाबाफारिया जागायजेनबाय

बिटिआरनि मोन 40 बियाबाव गं 40 स्टेडियाम लुनाय जागोनः प्रमद बर'

तामलपुर, 7 डिसेम्बर: आसाम खेल महारनि 2023-24 नि बिधान सभा थाखोनि बादायलायनायफोरनि दिने तामलपुर बिधान सभा बियाबनि मोन 29 भिसिडिसिखौ लाफानाने सा 24 रोजा गेलेगिरिफोरनि गेजेरव खुंनय जायो। दिनेनिक्राय 10 साननि हाबाफारिजों तामलपुर गोर्जोसिन गेजेरारि फरायसालिनि गेलेगा फोथाराव तामलपुर बिधान सभा बियाबनि खेल महारन 2023-24 आ खुंजादों। तामलपुर जिल्ला खुंथाइनि बाञ्जायनायाव मोन 29 (□ 5 बिलाइआव)



दरथाम राइज्योयाव मोनसे गोखों दोलो महरै बिजेपिआ बिसायख 'थियाव देरहासारदों। बिजेपिनि बे मिशननि थाखायनो राजस्टान, छत्तिशगड, मध्य प्रदेशजों लोगोसे भारतनि दर 16 राइज्योयाव बिजेपिनि सरकार दड'। 300 निबो बांसिन एमपि दड'। गुबुन गुबुन नोगोर आफाद, निगम बायदिफोराबो बिजेपिनि दखलाव दड'। बे समाव बिजेपिआ राइज्योयाव मोन 12 मासियाव देरहासारनो खामानि मावनायखौ जागायजेन्दों आरो मोन 12 (□ 5 बिलाइआव)

बि जे पिनि आफादगिरि भवेश कलिताआ गसाइगावआव बि जे पिनि मोननै दखरा मावखुलि बेखेवदों



गसाइगाव, 7 डिसेम्बर: 'मुलुगनि गेजेरवनो बयनिखुइबो देरिसिन दोलोयानो जादों बिजेपि दोलो। सब का साथ, सब का बिस्वास

अरो सब का बिकासनि मिशन महरै खामानि मावबोनाय बिजेपि दोलोनि फासं फोथायनाय आरो जागाथायनि थाखाय दासान्दि

चेन्नाइयाव बारहुंखानि जाहोनाव दिनेबो स्कुल-कलेज बन्द

गोदान दिल्ली, 7 डिसेम्बर: चक्रवाती बारहुंखा मिचौआ आथिखालाव लोरबं जानो हमबाय। थांनय मंगलबारखालि अन्ध प्रदेशआव नेल्लर आरो मधलीपट्टनमनि गेजेरव बोर्जों सौग्रावनायनि सिगां बेयो चेन्नाइजों लोगोसे तामिलनाडुनि मोनब्रै जिल्लाफोराव गोबां जोबस्रानाय सोमजिहोयो, जायनि सिलिंखार जानाय नुथाइखौ दासिमबो नुनो मोनगासिनो दड'। स्कुल आरो कलेजखौ बृहस्पतिबारखालिबो बन्द लाखियो आरो स्कुलफोराव आन्जादफोरखौ फावसयो। चेन्नाइनि बालाचैरी ओन्सोलाव वाल गोलैनायजों सा 3 सुबुंफोर थैयो। बोथोर बिफाननि हागाइ बिथोनगिरि मृत्युञ्जन महापात्रआ बोर्जों सौग्रावनायनि उनाव चक्रवाती मिचौआ लासे-लासे (□ 5 बिलाइआव)

बुथारनाय जाथायनि दायनिगिरिखौ पुलिसआ एनकाउन्टर खालामदों

कक्राझार, 7 डिसेम्बर: बावैसो सिगां बैसो गोर बिसि-फिसाइखौ गोबो हाथियारजों गाग्लोबनाने कक्राझारआव दुंहाव थासारि सोमजिहोनाय सम्भु काहार एबा शीलखौ जोबथारनायाव कक्राझार पुलिसआ एनकाउन्टर खालामनो गोनां जायो। पुलिसनि आवथानिक्राय खारखुमालांनो नाजानायाव पुलिसनि गुलि



गावहरनायाव आथिडव गुलि नांजानाने जोखोम जानाय बुथारनाय जाथायनि दायनिगिरि (□ 5 बिलाइआव)

एबसुनि बाञ्जायनायाव कक्राझारआव बर' दैदेनगिरिफोरनि जथुम खुंदों बर' माहारिनि रैखाथि, थामोन्था, खौसेथिनि सार्थआव बर'नि गासै दैदेनगिरि, राजखाथिगिरि, माहारियारि आफादफोरा खौसे जानांगो: दिपेन

कक्राझार, 7 डिसेम्बर: दुलाराय बर' फरायसा आफादा हरिनि रैखाथि, थामोन्था, खौसेथि आरो राजखाथियारि मोन्थाइखौ दिदोमै लाखिनायनि थाखाय बर'नि गासै माहारियारि आफादफोरनि बारग' दैदेनगिरिफोर, मेलेमजिबिफोरखौ मोनसे जौसाखव लाबोनाने खौसेये खामानि मावलांनयनि थांखि लानाने थांनय माखासे सानफोर सिगांनिक्रायनो गुबुन गुबुन



जायगाफोराव महकुमा थाखोआव बर' दैदेनगिरिफोरनि जथुम खुंनयखो नुनो मोनबोदों। बेबायदिनो दिनेबो कक्राझार जिल्ला दुलाराय बर' फरायसा आफादनि बाञ्जायनायाव एबसुनि बारग' दैदेनगिरि, बर' थुनलाइ आफादनि बारग' दैदेनगिरि, बारग' एनडिएफबिनि दैदेनगिरि, बारग' बिप्लेटिनि दैदेनगिरि आरो (□ 5 बिलाइआव)

बर' आइजो लिरगिरि गौथुमआबो खन्थाइ सान फालिदों खन्थाइजों लोगोसे गुबुन बिथिंखौबो सरजाबफायोब्ला मोजां: ड० डिमासा दैब्रां



कक्राझार, 7 डिसेम्बर: 5 डिसेम्बर अक्टआ खन्थाइगिरि रंसारि ब्रजेन्द्र कुमार ब्रह्मनि थैनाय सान। बे गोसोखोथिव सानखौ बर' फिसाफोरा खन्थाइ सान हिसाबे फालियो। मैया राज्योनि दाब-दाब (□ 5 बिलाइआव)

गसाइगाव, 7 डिसेम्बर: भटसं पार्टी इन्टारनेसनेल सुंदयै भिपिआइनि बाञ्जायनायाव दिने मोनसे साइकेल हान्जा सुरनाय हाबाफारि खुंदों। दिने फुं समाव कक्राझारनि दतमायाव थांनय भटसं पार्टी इन्टारनेसनेल जिल्ला मावखुलिनिफ्राय 100 निखुइबो बांसिन मावफारियाफोरा साइकेलजों हान्जा सुरनाने दतमा,

तामलपुर जिल्ला एबसुनि खुंगा 1थि आरो सुक्लाइ सेरफा दख'रा एबसुनि खुंगा 30थि थान्दै जखन्थाइखौ फैगौ जानुवारि दानआव खुंनो साखा-फारा


तामलपुर, 7 डिसेम्बर: तामलपुर जिल्ला दुलाराय बर' फरायसा आफादनि खुंगा 1थि थान्दै जखन्थाइ आरो सुक्लाइ सेरफां दख'रा दुलाराय बर' फरायसा आफादनि खुंगा 30थि थान्दै जखन्थाइखौ फैगौ 2024 ई माइथायनि जानुवारि दाननि 4, 5



आरो 6 खालाराव सानथामनि हाबाफारि लानाने गाजा-गोमजौयै खुंनो साखा-फारा। मख'नो गोनांदि, तामलपुर जिल्ला दुलाराय बर' फरायसा आफादनि खुंगा 1थि थान्दै जखन्थाइ आरो सुक्लाइ (□ 5 बिलाइआव)

कक्राझाराव 'ननिया' फरायसाफोरनि गोदान फरायसाफोरखौ बरायनाय मेल खुंदों

कक्राझार, 7 डिसेम्बर: बिटिआर आरो आफां आसामयाव गोबाव बोसोर नाइँ जिउ खोबोनाय भजपुरी 'ननिया' हारिनि फरायसाफोरनि गोदान फरायसा बरायनाय मोनसे मेल दिने कक्राझाराव खुंनय जादों। बेखौ लोब्बा लानाने कक्राझार बिगियान फरायसालिमानि मेल जथुमसालियाव दिने मोनसे हाबाफारिजों खुंनय गोदान फरायसा बरायनाय मेलयाव फरायसाफोरनि मोसनाय-मुसनाय गोजोन रंजाखांनयखौ नुनो मोन्दों। मख'नो गोनांदि, रसनाथमक ननिया जुथाय आफादनि कक्राझार जिल्ला आफादनि बाञ्जायनायाव ननिया हारिनि फरायसाफोरनि गेजेरव गिबि खेबनि थाखाय बिटिआर (□ 5 बिलाइआव)



कक्राझार, 7 डिसेम्बर: बिटिआर आरो आफां आसामयाव गोबाव बोसोर नाइँ जिउ खोबोनाय भजपुरी 'ननिया' हारिनि फरायसाफोरनि गोदान फरायसा बरायनाय मोनसे मेल दिने कक्राझाराव खुंनय जादों। बेखौ लोब्बा लानाने कक्राझार बिगियान फरायसालिमानि मेल जथुमसालियाव दिने मोनसे हाबाफारिजों खुंनय गोदान फरायसा बरायनाय मेलयाव फरायसाफोरनि मोसनाय-मुसनाय गोजोन रंजाखांनयखौ नुनो मोन्दों। मख'नो गोनांदि, रसनाथमक ननिया जुथाय आफादनि कक्राझार जिल्ला आफादनि बाञ्जायनायाव ननिया हारिनि फरायसाफोरनि गेजेरव गिबि खेबनि थाखाय बिटिआर (□ 5 बिलाइआव)

सुजुगिरिनि खोलोम

बिसायख 'थिनि थासारि

बिसायख 'थि हाबाफारिया जॉनि सुबुखास्थि हादतआव बोसोरबानि उन उन फैयो एबा खुंजायो। बिसायख 'थि दावहायाव देरहानाय दोलोयानो हादत आरो रइज्यो दरसेखौ खुंनो मोन्यायनि खाबु मोनो। सम आरो थासारिखौ नायनानै समनि सिगां आरो उनावबो बिसायख 'थि खुंनयखौ जौं नुनो मोन्याय जायो। बावैसो सिगां दरबा रइज्योआव खुंजालानाय बिधान सभा बिसायख 'थियाव सान्यायनिखुइ साबसिन फिथाइ मोन्याने देरहासाद जानो हानाय आथिखालनि खुंथाय गोहोयाव थानाय दोलोनि सरकारआ फैगौ बोसोराव खुंजानो गोनां 18 थि लकसभा बिसायख 'थिखौ समनि सिगांनो खुंनो सानलाय-हलाय खालामनायनि खौरां गोसारनाय नुनो मोन्याय जादों। थानाय बिधान सभा बिसायख 'थियाव दरथाम रइज्यो-मध्य प्रदेश, राजस्तान आरो सतिशगड़आव मैखोमै गिदित देरहासादानै थुलुंगाखां मोन्यायनि उनाव समनि सिगां बिसायख 'थि खुंनो हायोब्ला भटार सुबुफोरनि अन्सायनाय दोहौया सोलिबाय थानायनि मिजिं थायो। बे थांखियैनो समनि सिगां एबा दान मोनसेनि सिगां बिसायख 'थि खुंनयनि खौरां गोसारनायखौ नुनो मोन्याय जादों।

सम फैनायनि सिगांनो बिसायख 'थिनि थासारि सौफैयोब्ला मावफुंनो आद्रा जानानै थानाय गुबुन गुबुन हाबाफोरा मा रोखोम थासारियाव थागोन बेबो सान्नी गानां। बिसायख 'थियायि थासारि सौफैयोब्ला मावनो गोनां हाबाफोराबो थालानाय नड होनानै बुंनो हाया। बेरफासं गोलाव समनि उनाव गोजोन थासारियाव सौफैनाय थामथि बर' गोजोन गोरोबथा रदायनि मावफुंनो गोनां आद्रा थानाय दफाफोरखौबो रयखांनो हायो। मानोना बोसोरनि जोबथा दान डिसेम्बरआ जोबनो गोबाव सान गैलिया। बेनि माखासे साननि उनावनो गोदान बोसोर हाबफैसिगोन। गोदान बोसोर हाबनायनि उनावनो खौरां गोसारनाय समनि सिगां लकसभा बिसायख 'थि खुंनयनि थाम-थिम जानो हासिगौ होनानै सावरायनाय खोनोनो मोनो। लकसभा बिसायख 'थि खुंनयनि सिगांनो रदायनि आद्रा मावनो गोनां दफाफोरा गोजाम बोसोरनि जोबथा समसिमाव मावफुं जायाब्ला रदाय मावफुंनोगौया आरोबाव दिनबाव जालानायनि लामा लागोन। दासान्दि बेखौ लानानैनो महारियायि आफाद दुलाराय बर' फरायसा आफादया माखासे महारियायि आफादफोरखौ लानानै बेनि फासै सांघां जानानै रदाय मावफुंनोनायाव गोखौ जानाय बादियै हरिनि खौसेथि गसनयखौ हंग्राइनायबो नुनो मोन्याय जादों। नुनो मोन्याय जादों नागा जेनाखौ गोखै बोसांनो सोलिफु माव बुब्लिनि गेजेरावनो मावफुंनो मिरु सरकारखौ खावलायनाय जादों।

बिसायख 'थि बारआ गुबुन ओन्सोलाव बारनाय बादिनो जॉनि बिटिआरयावबो नांफैनाय नुनो मोन्याय जाबाय। फैगौ बोसोराव खुंनयनि अक्ट, बाराय फोसावायाखैब्लाबो माखासे राजखान्थि दोलोफोर दानिफ्रायनो साखा-फारा जादोंसै। जायगा जायगा जइनिं मेल खुंनानै बिटिआरनि दरनै बियावआवबो बिसायख 'थि गेलेनायनि बाध्रा बुंनानै फोसावदिनायखौ जागायहानाय नोजेराव गोर्लेबाय। दानिफ्रायनो बिसायख 'थि दावहानि फोसावदिनायखौ जागायनानै थासारिखौ दुंहाव खालामनाय उननि समाव माबादि महर लाहैनो हागौ बेखौ उननि थासारियासो फोरमायगोन।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेघ: मानिबा थाखाय दुखु-दाहा सैनांनो हागौ। गोसो हमाथानानै सोलिनांगोन।

वृष: देहायाव बौरैबाफोर जोखोमफोर मोनबाय बायनो हाग। गोजोन्यायखौ मोन्याय नडा।

मिथुन: जेरैबो गोजोन्यायखौ मोन्नी हागोन। नख 'रआव जौगानायखौ मोनगोन।

कर्कट: सुथुर थानायफोरखौ गिनांगौ जागोन। जेथिबो सांघां जानानै थानांगोन।

सिंह: दिनैनि दिनआ शुभ सम। जेखि जाया मोजां हाबा मावनानै लानो हागोन।

कन्या: मोजां मोनलायनायनि दौलेंआ गोर जागोन। गोजोनै थानो हागोन। फारफोमबो मोजां।

तुला: जेखि जाया सान्यायफोरा फेलें थांनो हागौ। गोसोआव नाजानाय थायोब्ला जाफुंनो हागौ।

बृश्चिक: न 'नि गोथार खामानि मावनानै लानो हागोन। सान्यायफोरा जाफुंनो हागौ। मोजां सान।

धनु: गोसोखौ मानोबा गोजोन्याय गैथै मोन्नी हागौ। जेखि मावा शान्तिखौ मोन्याय नडा। गोसोखौ हमाथा।

मकर: जेरैबो रंजा-बाजा खालामनो हागोन। गोजोनै सम बारहोनो हागोन।

कुम्भ: नख 'रनि संसारखौ मिबथि रोडै जालानो हागौ। गोसोखौ लोरबां लानो नाडा।

मीन: माबाफोर मुवा-बेसाद ख 'हा जानो हागौ। गोसोखौ शान्ति मोन्याय नडा।

सा-सान्जानि उदखारि हन्जाफोरनि रां दाबिनाय रेकर्डीनि सायाव सार्जिकेल स्ट्राइक खालामनो थांखि लादों

गुवाहाटी, 7 नभेम्बर: मणिपुरजों लोगोसे सा-सान्जा रइज्योफोराव सांघां उदखारि हान्जाफोरा 'एक्सटार्शन रेकेट'नि गेजेरजों बोसोरफोमबो बुथुमनाय कौटि-कौटि रानि मददजों गोबां बिबानि चीननि हाथियार बायगासिनो दड। थानाय माखासे बोसोरफोराव भारतयारि रैखाथि गोहोयों लोगोसे नोगोराफिफोरनि बेरेखायै गाग्लोबनायाव बाहाय जानाय हाथियारफोरखौ बे रंजों बायनाय जादों। रैखाथि एजेन्सिफोरनिफ्राय मोन्याय फोरमायथिनिफ्राय मिथिनो मोनोदि, सा-सान्जा रायजोआव सांघां उदखारि हान्जाफोरजों लोगोसे म्यानमार आरो बांग्लादेशआव थाप्रा उदखारि हान्जाफोराबो सा-सान्जा रइज्योफोराव 'एक्सटार्शन रेकेट' सालायगासिनो दं। भारतारि रैखाथि एजेन्सिफोरा दा मणिपुरनि हिंसानि उनाव सा-सान्जा रइज्योआव सांघां उदखारि हान्जाफोरनि 'एक्सटार्शन रेकेट'खौ फोजोबनाय। बेफोर गासैयावबो बयनिखुइबो सोमोनांथावसिन



जर 'खा अपारेसन जागायनो थियारि खालामगासिनो। जायनि थांखिया भारतआव सिमा बारनानै थामहिनबा म्यानमारआव थाप्रा उदखारि हान्जाफोरनि 'एक्सटार्शन रेकेट'खौ फोजोबनाय। बेफोर गासैयावबो बयनिखुइबो सोमोनांथावसिन

बाध्राया बेनोदि, म्यानमार आरो बांग्लादेशनि सिमा ओनसोलाव सांघां उदखारि हान्जाया सा-सान्जायाव 'एक्सटार्शन रेकेट' सालायगासिनो दड। भारत-म्यानमार सिमायाव थानाय म्यानमारनि ओन्सोलाव थानाय एन.एस.सि.एन. (के) हान्जानि

भारतारि ओनसोलाव गावनि के डारनि गेजेरजों फालांगियारिफोर आरो सरासनन्हा सुबुफोरजों लोगोसे जायगानि थिखादारफोरखौ सिगिनानै रां खंगासिनो दं। सा-सान्जायाव सोलिबाय थानाय 'एक्सटार्शन रेकेट'नि गोथोथिखौ बे बाध्रानिफ्राय हमनो हायोदि, बे बोसोरनि जुलाइ दानआव हादोरनि बयनिखुइबो देरसिन नायबिजिरा एजेन्सि नेसनेल इनभेस्टिगेशन अफ इन्डिया (एनआइए)आ मणिपुराव होबथाजानाय उदखारि आफादफोरनि साधाम केडारफोर दं। मिरुआरि रैखाथि एजेन्सिजों सोमोन्दी थानाय सासे मावख 'गिरिनि बायदिब्ला, सा-सान्जायाव बिग्रायारि हान्जाफोरनि खाजोना आरो रां दाबिनाय बिसोरनि आयनि गाहाय फुंखा। बेफोर गासैबो हाबाफोरनिफ्राय मोत्राय रांखौ उदखारि हान्जाफोरा हाथियार बायनायजों लोगोसे गावसोरनि गुबुन गोनांथिफोरखौ आबु खालामनायाव बाहायनाय जायो। बिग्रायारि हान्जाफोरनि गिदिरि दैदेनिगिरिफोरा बे रंजों गुबुन हादोराव गावसोरनि नखरजों थानानै मोनसे गोजोन जिउ खुंयो।

रौनिया हान्जानि फिरफिला सानखौ बोसोरफोमबो 7 डिसेम्बरावनो माखासे जाहोनाव फालिनाय जायो



गोदान दिल्ली, 7 डिसेम्बर: दिनें रौनिया हान्जानि फिरफिला (फ्लैग डे) सान। हादतनि रौनिया हान्जाफोरा जॉनि गोहो। 24 घन्टानि थाखाय सिमायाव रौनिया हान्जाखौ थिसननाय जायो। रौनिया हान्जानि थाखायनो जों गोजोनै उन्दुनो हादों। सान्थि हानजानि गिनो रोडै रौनियाफोरा माब्लाबा-माब्लाबा सुथुरफोरजों दावहा नानानै मुंखलं जायो। हादोरनि फारसे गावसोरनि मोजां मोन्यायखौ दिन्थिनानै रौनिया हान्जाफोरा गुबुन जायखिजाया मुवानि सिगां हादत आरो सुबुफोरखौ गोनांथि होयो आरो बिसोरनो गावसोरनि

जिउखौबो खौ फोदाव खोख्लैनाडो। रौनियाफोरनि जौगानायनि थाखाय रं बुथुमनो आरो जॉनि हादतनि रैखाथिनि थाखाय गावसोरनि जिउखौ बावसोमग्रा सुबुफोरनि फारसे सन्मान दिन्थिनो थाखाय बोसोरफोमबो 7 डिसेम्बराव रौनिया हान्जानि फिरफिला सान फालिनाय जायो। सानफोमबो सुबुफोरा मुंखलं जानाय रौनियाफोरखौ गोसोखाडो आरो गावसोरनि नख 'रखौ मदद खालामनो सिगांभोयो। बोसोरफोमबो 7 डिसेम्बराव रौनिया हान्जानि फिरफिला सान फालिनाय जायो। 28 आगस्त

गोदान दिल्ली, 7 डिसेम्बर: जुदि नोंथाडबो मोनसे सम्पति बायनो सानदोंब्ला, बे खौरांआ नोंथांथि थाखाय गोनांसिन। सम्पतिखौ बुथुमनायनि सिगांनोथांनि आधार कार्ड आरो पान कार्डआ लिंक जानायखौ थि खालाम। बेजों लोगोसे बेबो गोनांथारदि, जाय सुबुनिफ्राय नोंथांथि सम्पतिखौ बायगासिनो दड। बेयो आधार आरो पान कार्डखौबो लिंक खालामनांगोन। जुदि बेबादि जायाब्ला नोंथांथि सम्पतियाव 1 जौखोन्दीनि जायगायाव 20 जौखोन्दी टीडीएस होनांनो हागौ। इनकाम टेक्स बिफाननि बायदिब्ला, 50 लाख रं एबा बेनि बांसिन बेसेननि जायखिजाया सम्पतिनि बायगिरिया मिरु सरकारनो 1 जौखोन्दी टीडीएस आरो फानग्रानो गासै बेसेननि 99 जौखोन्दी होनांगोन। आधार आरो पानखौ लिंक खालामनायनि जोबथा सम जोबनायनि द' दानसोनि उनाव इनकाम टेक्स बिफाना 50 लाख रानि बांसिन सम्पति बायगा बायगिरिफोरनो नटिस दैथायहरनो जागायबाय। बे फोसाव बिलाइआव बिथामोनखौ




सम्पति बायनायाव 20 जौखोन्दी टीडीएस होनो थिननाय जादों। खौरां बिजॉनि बायदिब्ला, गोबां सम्पति बायगिरिफोरा बेबादि नटिस मोनदों। गुबैथै जायफोरा सम्पति फानो बिसोरनो गावनि पानखौ आधार जों लिंक खालामाखै। बांसिन केसयावनो सम्पति फानग्रानि पान कार्डआ खामानि गैथै जायो। मानोना बेयो आधारजों लिंक जायाखैमोन। बेबादि थासारियाव जाय सुबुनि पेन कार्डआ खामानि उनावबे बियो माखासे दाननि माव 50 लाख रानि बांसिन सम्पति बायनायाव बायगिरिफोरनो आद्रा थानाय टीडीएस होनो थाखाय

नटिस मोनगांसिनो दं। इनकाम टेक्स बिफाननि धारा 139एएनि सिखाव आइ.टी.आर.आव आधारखौ लिंक खालामनाया गोनां। नाथाय इनकाम टेक्स बिफाना गोबां जाथायफोर मोन्दीं जेराव पान-आधाखा लिंक गैया। इनकाम टेक्स बिफाना बे बायगिरिफोरनो नटिस हदों। आधार आरो पान कार्डलिंक खालामनायनि जोबथा खालार 31 मार्च 2022 मोन। बे अक्ट 'सिम पान आरो आधरखौ बेसेन नडैलिंक खालामनो हादोंमोन। नाथाय आथिखालाव जायफोरा पान आरो आधरखौ लिंक खालामाखै बिसोरनिफ्राय बांसिन टीडीएस लानो हागौ। नोंथांथि अडब्लाबे 1000 रं मासुल होनानै पान आरो आधरखौ लिंक खालामनो हागोन।

रैखाथि मन्थि राजनाथ सिंआ चेन्नाइआव दै बानानि थासारिखौ खौरां लाहैदों

चेन्नाइ, 7 डिसेम्बर: चक्रवात मिचुंनि जाहोनाव चेन्नाइनि माखासे बाहागोफोराव दै बानानि थासारिया सोमजिखादों। बे समाव गोबां अखा हानायखौबो नुनो मोन्दीं, जायनि जाहोनाव यरुशलम कलेज अफ इन्जिनियारिंआव दै लोमसावदों। पल्लिकरनइ ओन्सोलाव पेट्रल पाम्पआबो दै बाना जादों। तामिलनाडुनि गिबि मन्थि एमके स्टालिनआ गाहाइ मन्थि नरेन्द्र मदिनो लाइजाम लिस्नानै मिचुंनो ख 'हा जानांनय आरो रैखाथि हाबाफारिनि थाखाय मिरुनियाव 5,060 कौटि रानि मदद बिदों। लोगोसेनो मिरुआरि हान्जाखौ दैथायहरनोबो आरज गाबदों। मदिपक्कम ओन्सोलाव इनजों सेबखानाय सावगारिखौ फोसावदों। बेनि माखासे ओन्सोलफोराव दैन थाखोआ



दावखलायदों। बारहुं खानि जाहोनाव ख 'हा जानायखौ खौरां लानो थाखाय मिरुनि रैखाथि मन्थि राजनाथ सिंआ चेन्नाइनि थाखाय ओंखारलादों। बियो तामिलनाडुनि गोहोम गोर्लेनाय ओन्सोलफोराव एयार सार्थे खालामगोन। लोगोसेनो रइज्यो सरकारजों लोगोसे थासारिनि सायाव सावरायगोन। चक्रवाती बारहुंखा मिचुंआ आथिखालाव लोरबां जादों। मंगलबारखालि

एणु, 7 डिसेम्बर: भारतीय सान्थिफोरनि गाहाइ जेनेरल मनज पान्डेआ मोनसे हाबाफारिनि समाव आग्निपथ यजनाखौ बाखायदों। बियो बुंदोंदि बे जयनानि मदतजों सान्थि हान्जाया गोखों जवानफोरखौ मोननो हागोन। मख 'नो गोनांदि, पुणेयाव मोनसे हाबाफारिनि समाव सान्थिनि गाहाइ जेनेरल मनज पान्डेआ गावनि बाहागो लानायाव बुं दोंदि, आग्निपथ यजनाखौ सोलिहोनायजों सान्थि थिसनथायनि बिथिडव गाहाइ थांखि जादों। बेजों तेकनिकनि महरै गोखों जवानफोरा सान्थि हान्जायाव थिसनथाय मोनगोन। लोगोसेनो बे यजनाया बयनिखुइ साबसिन जवानफोरनो सिबिथाइ होनायाव लाखिनानि मोजां हाबाफारि। मख 'नो गोनांदि, थानाय बोसोरनि जुन दानआव



मिरुआरि केबिनेटआ भारतीय आग्निपथ यजनाखौ गनायथि होदोंमोन। आग्निपथ यजनायि गेजेरजों जवानफोरखौ सान्थि हान्जायाव थिसनथाय होनाया 4 बोसोरनि थाखाय जायो। 4 बोसोरनि सिबिथाइनि उनाव आग्निभिरफोर रिटयारमेन्टआव 12 लाख रं मोनगोन, जायजों बिसोर इयुनआव गोबां खामानि मावनो हागोन। आग्निपथ

आसामआव 3.5 गोस्त्रोथिनि बांग्रि मावदों

गुवाहाटी, 7 डिसेम्बर: आसामनि बयनिखुइ देरसिन सहरफोरनि गेजेराव मोनसे गुवाहाटीयाव दिनें फुंनि 5.42 रिगायाव बांग्रि मावयो। महारियायि बांग्रि बिगियानिक मिरु (एनसिएस) नि बायदिब्ला, रिक्टर स्केलाव बे बांग्रिनि गोखोंथिखौ 3.5 यै सुनो मोन्याय जादों। एनसिएसआ बे बांग्रिनि मिरुखौ 5 कि:मि: गोथोआव फैदों होन्ना फोरमायदों। मिबथिनो मोन्याय

बायदिब्ला, थानाय माखासे साननिफ्रायनो हादतनि माखासे बाहागोफोराव लान्थियै बांग्रि मावनायखौ मोन्दाडो। अदेबानि हानि रोजा थोरफो थदों, जायखौ क्टनिक प्लेटक बुंनय जायो। बियो गावनि जायगानिफ्राय गिदिं बाय थायो। बे प्लेटआ बोसोरफोमबो 4-5 मिलिमिटरसिम गावनि



जायगानिफ्राय सोलायो। बे भाटिकेल आरो हरिजेन्टल, बे

बे हाबाफारियाव माब्लाबा मोनसे प्लेटआ गुबुन प्लेटनि खाथियाव थाडो आरो गुनआ जानगार जायो। बे समाव माब्लाबा माब्लाबा बे प्लेटआ गावजों गाव सौग्रावलायो। बेबायदियावनो बांग्रि फैयो आरो बुहुमा मावखाडो। बे प्लेटफोरा हा सा बाहागोनियाय 30-50 कि:मि: सिम गाहायाव दं।

इन्जिनियारि, पब्लिकसेक्ट, लुफुंथाय आरे क्लिसिनिनि स्वामानि

इ-डेव्लर फोसावबाइ नं. डिवाइ.मिडइ.सिआए/एससियाव होनाय खामानिनि थाखाय रंनिफिगोनं आरो गनायबिबानाय रिक्वायरेमेन्टफ्राय इ-डेव्लर सिस्टेमनि मेन्बरों उदं डेव्लर हंग्रयदो: डेव्लर नं. इरुल/सिआए-एनएफआर-आर-पिएएएस-एवाइडउ-विडउरि।

खामानिनि मु: एन.एफ. रेवनेनि अलिपुदुवार ओरो रिड्या डिभिजननि सिखाव थावन अथगार्ड-मोर्तुर सिस्टेम लावन सेक्सनआव इन्जिनियारि प्रिक्लिमेन्ट लुफुंथायनि थाखाय अट 'रिडि इन्जिनियार थिसनथाय होनायनि बिथारिथि खालावनाय ओरो अपुदुम, टिएएसएस, एससिफुए ओरो सिस्टेमस फेलत खामानिखौ लाफनानै 25 केषि, 50 केषि, सिंथेस पेज, एससि, मोडिबलारि खामानि। (84,577 आकेसप/100,411 रं टिकिएए)। डेव्लरनि बेसेस: 6,37,49,592.96 रं। अग्निपथ नं. 4,68,800 रं डेव्लर खामानिनि सम ओरो अक्ट: 01-01-2024 नि 14:00 सिगिस। डेव्लर जायगानायनि अक्ट: 01-01-2024 नि 15:00 सिगि। गोजोआव होनाय इ-डेव्लरनि आबु फोसामाथिखौ डेव्लर डकु मेन्टजों लोगोसे www.ireps.gov.in वेबसाइटआव गोबडै मोनो हागोन।

डिजिटल सिम इन्फोमेशन युवनिफिकार/डिवायल/डिवायलर

सा-सान्जा सिमना डेल्टे
(लुफुंथाय आफाद)

मिनिस्त्रयुवो ग्राहकफोरनि सिबिथाय

चन्द्रयान-3 नि प्रपल्सन मडुलखौ लाबोफिनो हानायखौ गाहाइ मन्थि मदिआ गिदिर जाफुंसारनाय फोरमायदों

गोदान दिल्ली, 7 डिसेम्बर: गाहाइ मन्थि नरेन्द्र मदिआ इसर'नि चन्द्रयान-3 नि प्रपल्सन मडुलखौ अखाफोरनिफ्राय बुहुम फासँ लाबोनायाव जाफुंसारनाय हानायव बे'खौ मोनसे टेक्नलजी एबा गोनोखोयारि जाफुंसारनाय होन्नानै फोरमायदों। बिथाडा इन्टरनेट मिडिया प्लेटफर्म एक्सआव मोनसे परस्ट होन्नानै इसर'निसिम गहाम हामलायथि होदों आरो बुंबावोदि,



2040 माइथायसिमाव अखाफोराव सासे

भारतीयफोरखौ दैथायहरनायनि गोखों थांखि लानायजों लोगोसे इयुनआव अखांमायारि संदान्नायाव मोनसे बाव गोनोखोयारि माइल खुन्थिया गायसन्नो हादों। मख'जाथावदि, इसर'आ मंगलबारखालि बे अभियानथौ मोनसे आलादा नाजानाय होन्नानै बुंदोंमोन। चन्द्रयाननि थाखाय लेन्डार रबरखौ अखाफोराव लानों थाखाय प्रपल्सन मडुलखौ बाहायनाय जादोंमोन। इसर'आ लोगोसेनो फोसावदोंदि, प्रपल्सन मडुलखौ मुलुमनि कक्षआव लाबोफिनो हानाय जादों।

गोदान दिल्ली, 7 डिसेम्बर: भारतनि माखासे बाहागोफोरव आरो नेपालआव मावनाय बांग्रिफोरनि गाहाइ जाहोनाव सोनाब नेपालआव सांग्राडै थानाय एल्मडा फल्टआनोमोन। बेनि जाहोनावनो थानाय 24 जानुवारिआव 5.8, 3 अक्टबरआव 6.2 आरो 3 नभेम्बरआव 6.4 रिक्टर गोखोंथिनि बांग्रि मावदोंमोन। गाहाइ बांग्रि मावनायनि उनाव सरासन्सा एबा खम गोखोंथिनि बांग्रि मावनायफोरनि जाहोनाव 2023 आव बांग्रि मावनाय अन्जिमाया बांसिन जादों। सा भारत आरो नेपालआव सोलिफु 2023 आव 3-



3.9 रिक्टरनि खेब 97 बांग्रि मावदों। मिरुयारि बुहुम बिगियान मन्थि किरन रिजिजुआ बुधवारआव लकसभायाव सोंथिनि लिन्नानै होनाय फिन्नायाव मिथिहोदोंदि, बांग्रि

ओन्सोलाव एकटभ फल्टनि साखाथियाव दड। बांग्रि मावफलेबाय थाग्रा ओन्सोलाव टेक्निक्सनि सौग्रावलायनायनि जाहोनाव गले-गले बांग्रि मावनायनि खैफोद थायो। अल्मडा फल्ट हाइ एंगल गोनां सोनाब-सा सोनाब-सा-न्जा-खोला-सान्जानिफ्राय सा सोनाब-खोला सान्जानिफ्राय गोखोंथियारि टेक्निफ्लेट दड; जाय साहायव इंसिडरि लुछ हिमालयनि गडवाल युपनिफ्राय खोलायाव बाइजोयारि लुछ हिमालयनि जौनसार आरो दुदाटली युपफोरखौ आलादा खालामो।

प्रमसनजों लोब्बा गोनां समिटिफोराव एससि-एसटि सोद्रोमा थानाया गोनांथार होन्नानै संसदआव फोरमायदों



गोदान दिल्ली, 7 डिसेम्बर: मोनसे संसदयारि समितिया अजद होदोंदि, मिरुआरि राइज्योआरि बिथि एबा सेट्रेल पब्लिक सेक्टरनि बैंकफोर आरो फसंथानफोरनि सायख'ग्रा समिटिफोर आरो बिफानआरि प्रमशन समिटिफोरव एससि आरो एसटि हारिफोरनि थान्दैफोरखौ थिसनफानांगौ। समिटिया बेफोर

हारिफोरनि मावफारियाफोरनि हिटफोरखौ नायसंनो थाखाय पब्लिक सेक्टरनि बैंकफोरनि डायरेक्टर मन्डलआवबो एससि आरो एसटिनि बिबानगिरिफोरखौ थिसनगौनि आर'ज गावदों। एससि आरो एसटिनि जौगाखौनायाव संसदरि समिटिनि रिपटखौ संसदिनि गोजां बोथोरनि

जथुम्मायाव बुधवारखालि लकसभा आरो राइज्योसभायाव दिन्थिजायो। समिटिया तामिलनाडु आरो महाराष्ट्र राइज्यो सकारफोरजों लोगोसे गुबुन गुबुन सेट्रेल पब्लिक सेक्टरनि बैंकफोर आरो फसंथानफोरव एससि/एससि मावफारियाफोरनि मासि थिसनानयनि थाखाय सायख'ग्रा समिटिफोर आरो डिपिसियाव एससि/एसटिनि थान्दैफोरखौ थिसनफानांगौनि आर'ज गावदों। समिटिया फसंथान/आफादफोर/बे'क फोरनि सामलायगिरिफोरजों लोगोसे एससि/एसटि मावफारिया जौगाखौ आफादफोरनि दान 3 आरि जथुम्मा लिंथुमनायावबो नोजोर होदों, जाहाथे एससि/एसटि मावफारियाफोरनि अजद होनायफोरखौ सम बायदिये सुखांनो हायो।

हादतखौ रेखा खालामनो थाखाय गोनांथि जानाय थांखिफोरनि सायाव सरकारनो उरांरि होनांगौ: सुप्रिम कर्ट



थाखाय सरकार माखासे रादाय खानांगौ जायो। बेनिखायनो जों सरकारनो माखासे रेखायबो होनांगोन। दिनेबो सा-सान्जानि माखासे

बाहागोफोरा बिग्रायारि आरो हिंसाजों गोहोम गोलेना दड। बिथाड बे बिबुंथिखौ बै समाव होयो जेव्ना आर'ज गावग्राफोरनि गेजेरजों दिन्थिनाय गागि बुंथिगिरि श्याम दिवानआ बुडोदि, आर्टिके ल-6एखौ समानै फोसावनाय जायो आरो हाबफैखोमाग्राफोरनो मुलाम्फा होनाय जायो, जायफोरा नोगोरारि

आसामआ रादायनि गेजेरजों फैनय सुबुंफोरखौ नोगोरारिनिफ्राय बोखारनो थाखाय जर'खा नेम-खान्थि महरै सरजाबदोंमोन। बेनि बायदिल्ला बांलादेशजों लोगोसे थानाय 1966 नि उनाव आरो 1971 नि सिगानि समाव आसामाव फैनय आरो बै समनिफ्राय थाबोबाय थानाय सुबुंफोरनो आर्टिके ल 18 नि गेजेरजों भारतयारि नोगोरारि मोनहोनो थाखाय गाव गावनि रैजिस्टर खालामनांगोन। दिवानआ बे नेम-खान्थिखौ आइन बेरेखा महरै फोसावनो दाबि दिखानानै थानाय मंगलबारखालि मिरुखौ थानाय 1951 नि 6 जानुवारीनि उनाव आसामाव फे नाय भारतयारि फोलेरनि गासै सुबुंफोरखौ थाहोनो थाखाय राइज्यो एबा मिरुजों खुंजानाय राइज्योफोरनि सुबरुनजों मोनसे नेम-खान्थि थियारि खालामनो थाखाय बिथोन होनो दाबि दैखांदोंमोन।

अश्विनी भैष्णभआ राजस्ताननि गोदान गिबि मन्थि जानो हागौ!

गोदान दिल्ली, 7 डिसेम्बर: राजस्तानआव बिजेपिया गोबां भट मोन्नायनि उनाव आथिखालाव गिबि मन्थि मासिनि रेसआ गोखों महर लादों। बेनि गेजेरजों मिरुआरि मन्थि अश्विनी भैष्णभआ सिएम मासिनि रेसआव बयनिखुड सिगाडाव होन्ना खौरां मोन्नाय जादों। अश्विनी

भैष्णभआ मोननै गिदिर बिफानफोरनि मिरुआरि मन्थि। सुलुंनि बायदिल्ला, राजस्तानआव डिजिपिया अबिसिखौ सिएम बानायनो हागौ आरो बेनि बिजाथिया अश्विनी भैष्णभ जानो हागौ। भारतीय जनता पार्टीनि



दिल्लीयाव जानाय संसदयारि दोलोनि जथुम्मायावबो पिएम मदिनो पार्टीनि फारसेनिफ्राय मान बाउनाय जादों। आथिखालाव सिएमनि मुखौ लानानै दासिमाव पार्टीनि फारसेनिफ्राय जेबो रोखा खौरां होनाय जायाखै। नाथाय

सिगानिफ्रायनो बेबायदि सानसि सोमजिबोदोंदि, पार्टीआ सोरबा गोदान सोद्रोमाखौ सिएमनि मासियाव जिरायहोनो हासिगौ। बे रेसआव आथिखालाव मिरुआरि मन्थि अश्विनी भैष्णभनि मुंआ नुजाथिदों। मिरुआव केबिनेट मन्थि महरै अश्विनी भैष्णभआ गावनि हाबा मावनायजों जौसिन थाखोनि दैदेनगिरिफोरखौ गोहोम खोख्लेयो होन्ना सुलुंनिफ्राय मिबथिनो मोन्नाय जादों।

आइनखौ सिमफायनानै आसामआव थाबोगासिनो दड। संबिजिर पिठआ आसामाव हाबफैखोमानायजों सोमोन्दो गोनां नोगोरारि आइननि आर्टिके ल-6एनि संबिजिरारि आइनखौ सेलेन्स होनाय मोन 17 था अजदलाइफोरनि सायाव थियारि खालामगसिनो दड। नोगोरारि आइनआव आर्टिके ल-6 एखौ

उत्तर प्रदेशनि गं 80 माद्रासाफोरा गुबुन हादतनिफ्राय 100 कौटि गं फान्डीं मोनबाय थायो

No.BDB/Tender/46/2023-24169 Date: 07/12/2023

SHORT NOTICE INVITING TENDER.

Sealed tender affixing a non-refundable Court fee stamp of Rs.8.25(Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of class-I (A,B & C), Class-II & Class III category of Assam PWD (Roads & Building) and BTC according to their eligibility for submitting tenders for the works under Sports & Youth Welfare Department in BTC for the financial year 2023-24 as stated below. The tenders will be received by the undersigned up to 2.00PM on 29/12/23 and will be opened on the next date (as on 30/12/23) & place at 2.30 PM.

Sl. no	Name of activity.	Estd. Value. (in Lakhs)	Tender Value (in Lakhs)	EMD/Bid Security. (in Rs.)	Cost of Tender paper (in Rs.)	Pre-bid date and Time.	Last date & time of bid submission.	Date & Time of bid opening	Time of completion of Work.
1.	Land Development with Const. of Iron Goal Post at No.2 Singribari Under Khasiachuba VCDC Udalguri Dist.	20.00L	20.00L	(for 20,000 ST,SC) 40,000/- (for OBC & General)	600	8/12/23	29/12/23	30/12/23	6month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 8/12/23 to 30/12/23 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary ,BTC Kokrajhar payable at Kokrajhar. The Contractor should attested copy of latest registration certificate, latest certificate of Income Tax and Sales Tax GST registration ,Pan Card along with the tenders. In case the office remains closed on tender issuing/opening date the same will be issued/received/opened on the next working day without further notification. (The successful tenderer has to be submit 1% (one p/c.in case of ST/SC) and 2% (two p/c, in case of General ,OBC and Firm/Enterprise). Earnest Money against the work in the form of PDR/Banker cheque/D. Draft from any Nationalized Bank duly pledge to the Block Dev. Officer ,Bhergaon Dev. Block , Bhergaon as mentioned above at the time of allotment of work). The Block Dev. officer Bhergaon Dev. Block reserves the right of accepting of tender papers or outright rejection of the same without assigning any reason there of.

Sd/- Block Dev. Officer
Bhergaon Development Block, Bhergaon.

IPR(BTC)-2023-24/910

No.BDB/Tender/46/2023-24170 Date: 07/12/2023

SHORT NOTICE INVITING TENDER.

Sealed tender affixing a non-refundable Court fee stamp of Rs.8.25(Rupees eight & twenty five paise) only with a validity period of 180 days which will subsequently to be converted and drawn up in the printed of F-2 form are invited from the registered contractors of class-I (A,B & C), Class-II & Class III category of Assam PWD (Roads & Building) and BTC according to their eligibility for submitting tenders for the works under "Untied Fund" Cultural Affairs Deptt. BTR during the financial year 2023-24 as stated below. The tenders will be received by the undersigned up to 2.00PM on 29/12/23 and will be opened on the next date (as on 30/12/23) & place at 2.30 PM

Sl. no	Name of activity.	Estd. Value. (in Lakhs)	Tender Value (in Lakhs)	EMD/Bid Security. (in Rs.)	Cost of Tender paper (in Rs.)	Pre-bid date and Time.	Last date & time of bid submission	Date & Time of bid opening	Time of completion of Work.
1.	Remainning works , Beautification ,Decoratation at Khasiachuba Village Bathou Religious Centre , Bhergaon	10.00L	10.00L	(for 10,000 ST,SC) 20,000/- (for OBC & General)	300	8/12/23	29/12/23	30/12/23	6 month
2.	Const. of Remainning Works of open Cultural Stage at Kathalbari Gramiya Unnoyan Sangha	8.00L	8.00L	(for 8000 ST,SC) (for 16,000/- For OBC & General)	240	8/12/23	29/12/23	30/12/23	6 month
3.	Const. of Smart Fencing at Khagrabari Bathou Ashran	10.00L	10.00L	(for 10,000 ST, SC) (for 20,000/- For OBC & General)	300	8/12/23	29/12/23	30/12/23	6 month
4.	Const. of Prayer house at No3 Udmari , Bhergaon	8.00L	8.00L	(for 8,000 ST, SC) (for 16,000/- For OBC & General)	240	8/12/23	29/12/23	30/12/23	6 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 8/12/23 to 30/12/23 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary ,BTC Kokrajhar payable at Kokrajhar. The Contractor should attested copy of latest registration certificate, latest certificate of Income Tax and Sales Tax GST registration ,Pan Card along with the tenders. In case the office remains closed on tender issuing/opening date the same will be issued/received/opened on the next working day without further notification(The successful tenderer has to be submit 1% (one p/c.in case of ST/SC) and 2% (two p/c, in case of General ,OBC and Firm/Enterprise). Earnest Money against the work in the form of PDR/Banker cheque/D. Draft from any Nationalized Bank duly pledge to the Block Dev. Officer ,Bhergaon Dev. Block , Bhergaon as mentioned above at the time of allotment of work. The Block Dev. officer Bhergaon Dev. Block reserves the right of accepting of tender papers or outright rejection of the same without assigning any reason there of.

Sd/- Block Dev. Officer
Bhergaon Development Block, Bhergaon.

IPR(BTC)-2023-24/911

आलिपुरदुवार डिभिजनवा केटारि सिबिथायनि राहा खालामनाय

भारतनि हादतनिगिरिनि जानानै डिभिजनवल रेलेवे सामन्त्यायगिरि (फाल्गिनि), आलिपुरदुवार डिभिजन, सा-सान्जा सिमनायारि रेलेवेआ धुपगुरि स्टेसननि जेनेरल माइनर इन्विट (जिएफडर) 05 (बा) बोसोनि मोनसे सम सिमनायि थाखाय "केटारि सिबिथाय राहा" खालामनायनि थाखाय आदार आरो केटारि सिबिथया जगावग्राफोरनिफ्राय वादायल, सिंगेले स्टेज दु-पेकेट सिस्टेयनि विथयाव इ-टेन्डर संख्याय हरोदों।

फारि नं.	टेन्डर फोसावथाय नं.	थिखानाय बेसेन	अंतिम गं
1	68-सि-सिबि-रिप्ल-4-डिभिजनि-रिप्ल-1-ए	2,61,401/- गं	27,200/- गं

टेन्डर ज'मा होनायनि अक्ट' आरो सम: 28012023 अक्ट'खालि 15.00 रिगा आरो 28-12-2023 अक्ट'खालि 16.00 रिगानि उनाव बेखेवनाय जागोय। टेन्डर फोसावथाय आरो टेन्डर लाइखौ www.ireps.gov.in वेबसाइटआव मोनो हागोय।

डिभिजन रेलेवे सामन्त्यायगिरि (सि), आलिपुरदुवार जंसन

सा-सान्जा सिमना रेलेवे

सिन्धुले ग्राहककौनिसिम सिबिथाय

TENDER NOTICE

Sealed tenders affixing a Non-refundable court fee Stamps of Rs. 8.25 only are invited from the intending eligible contractors/Supplier to be received up to 3P.M I.S.T. till 22nd December 2023 for 1. Construction of boundary fencing with RCC post and chain link fencing at Nabinagar 5 Ha Nursery under Kachugaon Forest Division.

Sd/-
Divisional Forest Officer
Kachugaon Division, Gossaigaon.

No. UDB/Tender /01/2022-23/ Date: 04/12/2023

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five paise) only with a validity period of 180 Days which will subsequently to be converted and drawn up in the printed of F-2 form are invited from the registered contractors of Class -II and Class -I (A,B, & C) category of Assam PWD (Road & Building) and BTC according to their eligibility for submitting tenders for the works under SOPD & various schemes under BTR for the year 2022-23 as stated below. The tenders will be received by the undersigned up to 12.00 Noon on 30/12/2023 and will be opened on the same date & place at 2.00 P.M.

Sl. No.	Name of work	Tender Amount (Rs In lakhs)	Cost of Tender Paper	Time of Completion of Work
1	Construction of road with E/F and S/G from Bhabani Ramchary house to culvert at Nalbari W/No 2	3,96,079.00	Rs.500.00	3(three) months from the issue of Formal Work Order
2	Construction of road with E/F & S/G from Dipul Daimari house to Bihari Basti at Nalbari W/No 2	4,95,099.00	Rs.500.00	3(three) months from the issue of Formal Work Order
3	Construction of community toilet at Ram Khirshna Pali Shiv Mandir under 15 ASFC	14,28,912.00	Rs.500.00	3(three) months from the issue of Formal Work Order

Detailed N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 08/12/2023 to 30/12/2023 in the office of the undersigned on payment. The contractor should submit attested copy of latest Registration certificate, labour certificate, latest Income Tax, GST Registration, PAN Card along with the tenders. In case the office remains closed on tender issuing/receiving/opening date the same will be issue/received/opened on the next working day. The successful tenderer has to be submitted 1% (in case of ST/SC/OBC) and 2% (in case of General category). Performance Security Deposit money against the work in the form of Demand Draft/ Banker's Cheque only from any nationalized Bank duly pledge to the Block Development Officer, Udalguri Development Block, Udalguri as mentioned above have to be deposited at the time of allotment of work. The BTC authority reserves the right of accepting or rejecting the tender papers without assigning any reason thereof.

Sd/-
Block Development Officer
Udalguri Development Block

IPR(BTC)-2023-24/907

नख'रनि थाखाय अशुभ होन्ना नै गनायथिजानाय फां 5 रेखोमनि बिफां



नख'रआव बायदि फिसा-फिसौ बिफां-लाइफांफोरखौ गायोब्ला समायना नुयो। माखासे बिफांफोरखौ गायोब्ला न'निफ्राय गाजि गोहोफोर जोबनानै मोजां गोहोफोर गोसारो आरो माखासे बिफांफोरखौ न' कथा सिडव गायनानै दोनोब्ला न'आ जौंखाडे होन्ना नै बुंनय जायो। बेरफासै माखासे एरेबादि बिफां एबा बिबार बिफांफोरनि बागै बेफोरखौ नख'रआव दोनोब्ला अशुभ होन्ना नै फोथायनाय जायो। बेफोर अशुभ होन्ना नै गनायजानाय नख'रआव




गायनाय बिफांफोर दडब्ला नौंथाड बेखौ मिथिनानै लानो गोनां। (1) लेबु बिफांफोर न' साखाथियाव दोनोब्ला अशुभ लाबोयो। बेनिखायनो बेखौ न' साखाथियाव गायनानै लानो नाड होन्ना नै बुंनय जादौं। बेखौ न' साखाथियाव गायना लायोब्ला नख'रआ जेना-जेसिफोरजौं बेखन्ना नै थायो आरो न'नि सोद्रोमाफोरनि सोमोन्दोआ गाजि जायो।

(2) थिखलां बिफांफोरखौ खायसे सुबुंफोर नांगौ जायो होन्ना नै न' साखाथियावगो गायनानै लायो। नाथाय बेखौ न' साखाथियाव



सानआव बुहुमजौं समान मोन 60 गुण देरसिन हाखर संदाब्ना मोन्दौं

गोदान दिल्ली, 7 डिसेम्बर: सानआ जौनि बुहुम आरो बेयाव थाप्रा जिब-जुनातफोरनि थाखाय बेसेबां गोनांथाय बेखौ जौं बयबो मिबथिगौ। सान गैयाब्ला बुहुमाव जिउनांफोरनि थाना थानाया जाथावना नड। साननि रहस्यफोरखौ संदानो थाखाय भारतआ गावनि गिबिसिन मिशन आदित्य एल-1 खौ दैथाइहरखांबाय, जाय फँगौ बोसोरनि जानुवारीयाव गावनि



गसाइगाव बि. एड. कलेजनि हाइनामुलिया ब्रजेन्द्र कुमार ब्रह्मनि रुंसारि सानाव खन्थाइ सान फालिदौं

गसाइगाव, 7 डिसेम्बर: थानाय 5 डिसेम्बर थामहिनबा बर'नि गेदेमा रुंसारि ब्रजेन्द्र कुमार ब्रह्मनि थैनाय सानजौं लोब्बा लाखिनानै गुबुन गुबुन जायगाफोरार खन्थाइ सान फालिनायखौ नुनो मोन्दौं। बेबायदिनो, गसाइगाव बि.एड. कलेज आवबो थानाय 5 डिसेम्बरखालिनि ब्रजेन्द्र कु. ब्रह्मनि रुंसारि सानाव खन्थाइ सान फालियो। गसाइगाव बि.एड. कलेज हाइनामुलिन बान्जायनायाव खुंनय बे खन्थाइ सान फालिनाय हाबाफारियाव कलेजिनो डि.एल.एड. थाखोनि बारग' फरायसुलि बिनता बसुतारिया गाहाइ आलासि महरै बाहागो लायो। बिथाड बुजेदि, ब्रजेन्द्र कु. ब्रह्मनि खन्थाइ, रायथाइ सोर जिथाइफोरा लाइमोनफोरनि थाखाय थुलुंगाजौं




वुंफवनाय। बिथांखौ जौं बयबो अराय सम गोसोखानांगोन आरो बिथांनि सान्थौखौ फोथानानै लाखिनायनि हाबा मावनांगोन। साफ्रोमबो लाइमोनफोरा गाव-गावखौ मोजां मोननानै आवगाय लांनानांगोन होन्ना नै बिथांआ बुंवावो। गावनि जिउखौदि बयबो अननांगौ बेनि बागै खन्थाइ

गायनानै लानाया अशुभ होन्ना नै गनायजादौं। बेजौं न'आव नेगेटिभ एनाजिआ बासा लायो आरो नख'रआव गोजोन गैयै जायो। बेनिखायनो बेखौ न'नि लांगोनानिफ्राय जानगरआव बबेबा उदां जायगा गुवारआव गायनांगौ।

(3) सु गोनां बिफां-लाइफां आरो बिबार बिफांफोरखौ खायसेनि नख'रआव गोबां गायनानै लानाय नुनो मोनो। बेखौ नख'रआव गायोब्ला दावराव-दावसि, नांज्ताय-खमज्जलाया जोबनो रोड होन्ना नै बुंनय जायो। जाउनाव नख'रआव गोजोन गैयै जायो। बेनिखायनो न'नि दरख, लांगोनानि गेट एबा सिथ्ला खनाफोरारवबो



सु गोनां बिबार बिफांखौ गायनानै लानो नाड। (4) सुबुंफोर गुसबेरि एबा आमलाइ बिफांखौबो न'नि लांगोना सिडवगो गायनानै लायो। जाहाथे गोनांथि जानाय समाव थाबैनो बाहायनो मोनो आरो गुबुनफोस्नाव एबा बाजारआव नागिरानानै लायनांगौनि गोनांथि जाया। नाथाय बेखौ नख'रनि साखाथि उसुंफोराव गायोब्ला अशुभ होन्ना नै फोथायनाय जायो। बेखौ न'



खाथियाव गायोब्ला धोन खहा जायो आरो माबेबा जाखानाय खामानियाबो फेल्ले जालाडे होन्ना नै बुंनय जायो।

(5) बनसाइ बिफांखौबो गोबां सुबुंफोरनि न' सिडव एबा खामसालि, बेलकनिफोराव गायनाय नुनो मोनो। नाथाय बेयो जौनि थाखाय अशुभ। मानोना बेखौ न'आव गायोब्ला मोनफ्रोमबो खामानियावगो हेंथा फेयो। बेनिखायनो बेखौ नख'रनि साखाथिफोरावबो गायनो नाड।

थांखिसिम सौहेगोन। बे समावगो आमेरिकानि अखांमा एजेन्सि नासाया सानखौ लानाने खालामनाय स्टडिआ सोमोनांथाव खौर मिबथिनो हादौं। साननि सा बाहागोयाव 8 कि:मि: गिदरि हाखर जादौं होन्ना नासाया दाबि दैखदौं। बे हाखर एसेबां गुवार गिदरिदि, बेयाव मोनसेल' बुहुम नड, बेबायदि मोन 60 बुहुमआनो हाबजोबनो हागोन। नासाया बे हाखरखौ नासाया 'कस्तल हेल' मुं दोन्दौं। एस्ट्रनमारफोय फोरमायदौंदि, बे कस्तल हलनिफ्राय सलार वेभफोरा जौनि बुहुम फारसे फेगासिनो दड। बेनि जाहोनाव बुहुमनि रेडिअ आरो सेटेलाइट कम्प्युनिकेशन सिस्टेमा बायलानोबो हागौ। एस्ट्रनमारफोय बुंवावदौंदि, कस्तल हाखरफोय सानसेनि गेजेरवगो गावनि देरसिन महर लार्दौं आरो 4 डिसेम्बरनिफ्राय जागायनायनि थौंजौं बुहुमान सौफेनो हागौ। बे हाखरआ सरासन्धा हाखर नडा, नाथाय बेनि गिदरि आरो समआ बिगियानगिरिफोरनि गोसो बोनो हादौं। बेबायदिना बै समाव जायो, जेब्ला सानआ गावनि 11 बोसोररि हाबाफारि चक्रनि जौसिन थाखोयाव सौहेयो, जायखौ सलार मेक्सिमाम महरै मिबथिनाय जायो।

रंजालि गथ'फोरनि सौरा

जिउनि दिड

सिमाडव जाखौफेनाय सावगारिफोरा मोगथां मुलुगाव महर लागोना लाया, दैनि गुथालाव सोमजिनाय आं फेफोना बारा जेथि बुबथिडे बेथिनो आनि लामा जिउनि दिडया आनि हाथा हामा।

लैथो गेजेरनि आं थरसे अनथाइ बादि सिरिनाय आं गोरान बिलाइ बादि, दावबायारि आं बैथा गैयै गंसे दिडनि बोहेबोनाय देसा आं दरसे हाजोनि जिउनि दिडया आनि आनि थानि।

बिर्बायनाय आं अखोरं सानि थुला बादि उदाडे बिरनाय आं मासे सिला बादि, फागुन दाननि बिर्बायनाय आं गोरान बाला बादि बिलो गेजेराव थानाय आं फासे मेथ'खा बादि जिउनि दिडया आनि गंसे रेबगन बादि।

फुबिलिनि जौंखेल निहोर जाना गंसे दिडनि आं बैथा जाना, बुधुमगोन आं गोलैनाय खाखोर बिलाइखौ हमना लिरगोन आं आखाइजौं रेबगनखौ जावलांगोन आं रगुं फारसे जिउनि दिडखौ।

-जोसार बसुमतारि
6 नं सानथिपुर, गहपुर

सानसि मोनदांथि नौनि

आंहा आरो मेगनाव निन गैला दायो हरावबो सिखारना थानो मोजां मोनसै।

मिबथिया बरादाव दंन गैया नाथाय बिखौ बिनानै दावो लाबाय थारसै।

मिबथिया आं बिखौ मोजां मोनो ना मोना नाथाय अननाय बिनो बावबाय थारसै।

बिनि अननाय होनाया मादि मिबथिया बै सानसिजौं आं थेवबो लोमहावबायसै।

इयुनाव जौं लोगो मोनगोन ना मोना मिनिथिया नाथाय अरायबो लोगो मोनगोन आसाजौंनो गेलेबायसै।

बियो आनि जागोन जाया गुपुर गैया नाथाय गावनि बुना लाना गोजोननाय लारसै।

बिखाखौ बुरखायबाय नाथाय गनायनो हाया जानांगौ बिबो नौनि थाखाय मावगुलुनो मोजां मोनदौंसै।

-कुमार बसुमतारि
1 नं बिक्रमपुर, लखिमपुर

टेद्राकटिस खन्थाइ

फुं समखौ गोजोने बार होनांगो फुं बिलियाव नांलाय लायनो मोन नौं चुदि नांलायो फुं बिलियाव नौनि सानसे समा थाजिम मोना जाय धोरोम सिबियो बिनाव थायो

मानसि सिबिनायनि आखल आखुथाइ जाय मानसि सिबिनो रोड बादि बिनाव थाया धोरोम गियान होननाय जाय बादि सुबुड उनदेखौबो समान अनो बिनो हावार गोरबो

-दैदोम बर'
माजदिया, बगुलामारि, बाक्स

ASSAM HIGHER SECONDARY EDUCATION COUNCIL BAMUNIMADAM : GUWAHATI-21		
PROGRAMME		
For the Higher Secondary Final Examination-2024		
Date & Day	Morning	Afternoon
	From 09.00 AM to 12.00 Noon	From 1.30 PM to 04.30 PM
February 12 Monday		English
February 13 Tuesday	Music (Group A)**	Bihu**
February 16 Friday		Chemistry / Business Studies / Political Science
February 17 Saturday	Music (Group B)**	Vocational Paper-I** / Vocational Elective Paper-IV**
February 19 Monday		Physics / Accountancy / Education / General Foundation Course-II**
February 21 Wednesday		Modern Indian Languages* / Alternative English
February 22 Thursday	Entrepreneurship Development	Advance Sanskrit
February 23 Friday	Music (Group C)**	IT/ITeS** / Retail Trade** / Agriculture (Dairy Farmer** / Floriculturist***) / Health Care** / Private Security** / Tourism & Hospitality** / Beauty & Wellness** / Electronics** / Automotive**
February 27 Tuesday		Mathematics
February 29 Thursday		Biology / Insurance / History
March 01 Friday		Fine Arts** / Economic Geography / Biotechnology
March 02 Saturday		Advance Languages* / Arabic / Persian / Sanskrit
March 04 Monday		Economics
March 05 Tuesday	Vocational Paper-II** / Vocational Elective Paper-V**	Swadesh Adhyayan
March 06 Wednesday		Statistics
March 07 Thursday		Business Mathematics & Statistics / Geography / Geology
March 09 Saturday	Vocational Elective Paper-VI**	Logic & Philosophy / Finance / Psychology
March 11 Monday		Anthropology / Sociology / Salesmanship & Advertising
March 12 Tuesday	Home Science	Computer Science & Application
March 13 Wednesday		Multimedia & Web Technology

*Modern Indian Languages include: Assamese, Bengali, Bodo, Garo, Hmar, Hindi, Khasi, Manipuri, Mizo, Nepali, Urdu & Karbi.
**Advance Languages include: Advance Assamese, Advance Bengali, Advance Bodo, Advance Hindi & Advance Manipuri.
Music (Group A) include: Hindustani Vocal, Kathak Dance, Tabla, Violin, Sitar
Music (Group B) include: Sattriya Vocal Music (Borgeet), Sattriya Dance, Khol
Music (Group C) include: (i) Assamese Folk Music/ (ii) Assamese Folk Dance (Theory paper will be common for both the subjects, but, Practical paper will be separate.)
** Examination Timing for Morning Shift from 09.00 AM to 11.00 AM / Afternoon Shift from 01.30 PM to 03.30 PM (For 30/50/60 Marks)
** Vocational Papers include: General Foundation Course-II, Paper-I & II, Elective Paper-IV, V & VI
10 (TEN) MINUTES EXTRA TIME IS ALLOWED FROM 8.50 A.M. TO 9.00 A.M. IN THE MORNING SHIFT AND 1.20 P.M. TO 1.30 P.M. IN THE AFTERNOON SHIFT TO READ THE QUESTION PAPER ONLY. THE OFFICER-IN-CHARGE WILL ARRANGE TO DISTRIBUTE THE QUESTION PAPERS ACCORDINGLY.
THE PRACTICAL EXAMINATIONS WILL BE HELD FROM 24TH JANUARY TO 08TH FEBRUARY, 2024.

Dated Guwahati-21, the 07th December, 2023

Pankaj Borthakur
(Pankaj Borthakur) 07/12/2023
Controller of Examinations

हमेन बरगहाजीनि १2 थि जोनोम सान आरो थुनलाइगिरि पेन्सन गथायनाय हाबाफारि खुंदों

काऊन्ड (कामरुप नोगोरमा), अनिल कुमार बरुवा (कामरुप नोगोरमा), ऊ नन्दिता देबी (कामरुप नोगोरमा), जयन्त माधव बरा (कामरुप नोगोरमा), रेनुका बिश्वास (कामरुप नोगोरमा), प्रथिमा नन्दि नाजरी (कक्राझार), बिजय रविदास (शिवसागड़), दिलीप कुमार बरुवा (शनितपुर), ज्ञान बाहदुर शेत्री (शनितपुर), मुन्नित्रा गस्वामि (कामरुप नोगोरमा) आरो महन शनवाल (दिब्रुगड़)। हाबाफारियाव बाहागो लानानै गिबि मन्श्रि ऊ शर्माआ बुंदोंदि, रइज्योनि राव, थुनलाइ जौगाखांनायाव मोनफ्रोमबो हारि- माहारिनिनो मख 'जाथाव बिहोमा दइ। बेनि थाखाय आसाम सरकारआ बराक सेरफांजों लोगोसे आसामनि जनजाति थुनलाइगिरिफोरखौं थुलुंगाखं होनो थाखाय थुनलाइनि बिथिसिमि मख 'जाथाव बिहोमा होनो थुनलाइगिरिफोरनो पेन्सन गथायदों, मानोनो हारियारि थुनलाइ सोर्जिनायफोराव जौगाखांहोनो हायो। गिबि मन्श्रिआ बुंदोंदि, फैगौ सोलोंथाइ बोसोरनिफ्राय माहारियारि सोलोंथाय खािन्थिनि गेजेरजों माखासे जनजाति रावनि बिजोंजों गुदि फरायसालियाव सोलोंथाइ होनार्यनि थाखाय रइज्यो सरकारआ थंरिख आजावना लादों। 3 बोसोरनि रइ मेपखों सिगाइव लानानै फैगौ बोसोरनि एप्रिल दाननिफ्राय माखासे अन्जिमानि सायख 'जानाय फरायसालियाव बेबायदि सोलोंथाइ होनाय जागोन होनानैबो बिथाइ बुंदों। आसाम सरकारआ थुनलाइनि बिथिंखौ गोखों खालामनो थाखाय थंरिख आजावना लादों होन्ना मख 'नानै गिबि मन्श्रिआ बुंदोंदि, आसाम पाब्लिककेसन बर्डनि बान्जायनायाव रइज्योनि गुबुन गुबुन जायगायाव बिजाब मेला खुंनायजों लोगोसे फराय बिजाब फरायनायनि थाखाय मोनसे सोमावसारनाय सोर्जिथायखौ लानानै सरकारआ सोलान्थि होदों। गिबि मन्श्रिआ बुंदोंदि, असमीया रावनि बेसेनो गोसा बिजाबखौ भारतनि गुबुन गुबुन रावसिम सोलान्थानायेनि थाखायवो रइज्यो सरकारआ मोनसे थारिखौ जागायजेनहोनो नागिरदों। ' र्मौलिर हाहि' बादि गोजौं थाखोंनि मुंदांखा सल' बिजाब आरो गुबुन गुबुन गोसो बोजानाय रइथाय, खन्थाइखौ आसामनि गेजेरावनो सिमना गोनॉं महरै लाखिनाय जादों होन्ना मख 'नानै बिथाइ बुंदोंदि, असमीया बिजाबफोरनि मान दान्दाआ भारतबर्षनि गुबुन रावजों गोरोबलायो। असमीया मान गोनॉं मुंदांखा थुनलाइनि सोमोन्दै भारतनि गुबुन रइज्योनि लिरगिरि समाजयाबो मिबथिनायनि गोर्नांथि दइ होन्ना बिथाइ बुजे। गिबि मन्श्रिआ बुंदोंदि, आसामनि बिजाबफोरखौ भारतनि गुबुन गुबुन रावसिम सोलाय जायोब्ला हादतनि सान्थौयारि थाखोयाव आसामनि साननाय-हरनाय, सोर्जिथायनि सोमोन्दै मिबथिनो हागोन। आसाम पाब्लिकेसन बर्डखौ बोसोफ्रोमबो खमैबो गां जिथै असमीया रावनि बिजाबफोरखौ हिन्दी आरो गुबुन गुबुन भारतयारि रावसिम सोलायनायनि थाखाय थंरिख लानो गिबि मन्श्रिआ खावलायदों। मानोनो बे राव सोलायनायनि गेजेरजों असमीया राव-थुनलाइनि गोजौं थाखोंनि मान गोर्नांनि सोमोन्दै हादतनाडैनो मोजाइः मिबथिनो हायो। महाबीर लाचित्त बरफुकननि जिउ जारिमिनिन सोमोन्दै गांसे बिजाव सुजुनायनि खामानिया आधिखालाव गोख्रैयै सोलिगारिसिनो दइ होन्ना फोरमायनानै गिबि मन्श्रिआ बुंदोंदि, फैगौ माखासे दाननि गेजेरावनो भारतबर्षनि गुबुन गुबुन रावयाव बे बिजाबफोरखौ हाबाफारि बायदियै फोसावनाय जागोन आरो हादतनाडैनो गांसे 10 रेजा फरायसालिमानि बिजाब दोनथुमग्रा लाइब्रेरिफोराव बे बिजाबफोरखौ दैथाय हरनाय जागोन। असमीया राव-थुनलाइ आरो हारियारि राव-थुनलाइखौ रइज्यो सरकारआ मोनसे गोदान फैसालिसिम लाना थानायनि नाजादों होनानैबो गिबि मन्श्रिआ बुजे। गुबुन फारसे रंसारि, लिरगिरि हमेन बरगहाजीआ आसामनि सोलोंथायगिरि सासे गोखों लिरिगिरि होन्ना मख 'नानै गिबि मन्श्रिआ बुंदोंदि, लक्ष्मीनाथ बेजबरुवानि उनावनो आसामआ जोनोम होनाय माखासे आगोमा थुनलाइगिरिफोरनि गेजेराव हमेन बरगहाजीआ गुबुन सासे लिरगिरिमो। थुनलाइगिरि आरो खौरंगिरि महरै असमीया हारियारि जिउसिम हमेन बरगहाजीआ गोबां बिहोमा दइ। गिबि मन्श्रिआ बुंदोंदि, बरगहाजीनि गुबुन गुबुन रइथायफोर दइ, जायफोरखौ खेबसे फरायोब्ला बेयो बिर्थांखौ जिउनाडै बाउगारलॉनो हाया। दिनैनै बे हाबाफारियाव सोलोंथाय बिफाननि मन्श्रि डा: रनज पेपु, सुबुं देहा कारिकरि बिफाननि मन्श्रि जयन्त मल्ल बरुवा, आसाम सरकारनि सोलोंथाइ बोसोनगिरि ऊ ननि गपाल महन्त, लेइइ गहाइ नेहाथारि बिश्व रञ्जन सामालामोनजों लोगोसे माखासे मान गोनॉं सुबुंफोर बाहागो लाफेदों। ॥

गसाइगावनि दावागुरि हाथायाव उदाडै जुवा खेला सोलिनायनि अजद सिखांदों

सोलिहोनायनि उनावबो पुलिसआ जुवारिफोरनि हेंथायै जेबो रहा लायाखै होनानै सांग्रॉं नोगोरारिफोर अजद देखांबावो। गुबुन फार्सेंथि, जुवा खेला होनायाव पुलिसनिबो आखाइ दइ' होनानै ओन्सोल नाडैनो सावरय जादों। आधिखालाव जुवा, जौ-गान्जानि गोहोमा ओन्सोलनि माखासे लाइमोनफोरखौ फोजोबखॉंनारनि लामाजों दावगाहदों। समाजनि फार्सें खैफोद लाबोनाय बेबायदि आयेन बेरेखा हाबाखौ फोजोबखॉंनो थाखाय माखासे दोलो-आफादफोर पुलिस खुंथायखौ गले-गले खावलायबोनायनि उनावबो जेबो रहा लायैयाव सांग्रॉं नोगोरारिफोरनि गेजेराव गोखों फिनजाथाय सोमजिदों। ॥

बुथारनाय जाथायनि दायनिगिरिखौ पुलिसआ..

सम्भु काहारखौ दासान्दि कक्राझार रुपनाथ ब्रह्म देहा फाहामसालियाव फाहामथाय होगासिनो दइ'। सुलुइ फोरमायनाय बादिब्ला, सोनाव बंगनि कातवालि पुलिस थानायार रेंजस्टर जानानै थानाय गुबुन गुबुन अजदनि माखासे गसरनि दायनिगिरि आरो कक्राझारआव सिखाव खावनायजों लोगोसे गुबुन गुबुन दाय गोनॉं हाबाजों लोब्बा थानाय सबु काहारआ थॉनाय 2१ नभेम्बरखालि कक्राझार सहरनि 3 नं वार्डीन बिधानपल्लिआ बिसि-फिसाइ सनैखौ गोबो हाथियारजों गाग्लोबदोंमोन। मय 'नो गोर्नांदि, आबाद बिफाननि आर्जिज मोनाय इन्जिनियार तपन चक्रबर्ति आरो बिर्थानि बिसि आरो डिएन हिम्वत सिंका गोजौं फरायसालिन बारा' गहाइ फोरंगिरि मधुमिता बेनाजी चक्रबर्तिखौ सबु काहारआ गोबौ हाथियारजों गाग्लोबदोंमोन। रं लुथिनार्यनि थारिखजों रं फोनाग्रा मिस्ट्रि सबु काहारनि गाग्लोबनायाव तपन चक्रबर्टीआ जिउ गोमावनायजों लोगोसे गोब्राबे जोखोम जानानाय बिर्थानि बिसि मधुमिता बेनाजी चक्रबर्टीआ दासान्दि फाहामथाय लाग्गासिनो दइ'। बेनि उनाव कक्राझार पुलिसआ संदान्दानै मबाइल फनखौ ट्रेक खालामनानै कचबिहारआव थाक्नुमानानै थानाव दायनिगिरि सबु काहारखौ हनानानै गावसोरनि आस्थयाव लायो। बुथारनाय जाथायनि दायनिगिरि सम्भु काहारआ पुलिसनि सिगाइव बिसि-फिसाइखौ गाग्लोबनाय जाथायाव गंनै गोबौ हाथियार बाहायनायखौ मिथिहदोंमोन। बेनिनो गंसे गोबौ हाथियारखौ जाथार्यथिलियाव पुलिसआ बोखॉंनो हादोंमोनब्लाबो गुबुन गंसे गोबौ हाथियारखौ नागिरसानै थॉनाय हराव संदानग्रा बिबानगिरिआ सबु काहारखौ लानानै कक्राझारनि कारिगाव फोनांजाब जोहोलाव दैमालु लामाजों लानानै थंांदोंमोन। नाथाय दायनिगिरि सबु काहारआ आमगुरिआव पुलिसनि आवथानिफ्राय खारलांनायाव पुलिसआ हमथानो नाजानायाव पुलिसनि सासे ज्वननआ जोखोम जायो। उनाव पुलिसआ रहा गैयै जानानै सबु काहारखौ थंरिखानै गुलि गावनायाव दायनिगिरिनि आगसि आधिइव जोखोम जायो। पुलिसनि गुलि गावनायाव आधिइव जोखोम जानाय दायनिगिरि सबु काहारखौ कक्राझार रुपनाथ ब्रह्म देहा फाहामसालियाव फाहामथाय होनाय जायो। गुबुन फार्सेंथि, थॉनाय 2१ डिसेम्बरखालि सोमजिनियारि खसिम-बिस्वियै गाग्लोबनाय जाथायाव गिखॉंनाय थारसारि सोमजिनार्य कक्राझार सहरव सबु काहारखौ एनकाउन्टर खालामनाय जाथाया गोखों फिनजाथाय सोमजिहदों। ॥

भिपिआइनि बान्जायनाया कक्राझाराव दानथाम नाडै साइकेल हान्जा सुरनाय जागायजेनबाय

सालकाटि, हल्टुगाव, बेसरगाव जानानै कक्राझार जिल्ला बेंगिरि मावखुलियाव फैगोन होन्ना भिपिआइ दोलोनि कक्राझार जिल्ला आफादगिरि उमेश चन्द्र ब्रह्मआ खेंफोरथिखौ मिबथिहदों। गुबुन फारसे कक्राझार जिल्ला बेंगिरि मावखुलियाव १ डिसेम्बर जोधथा सानयाव जिल्ला बेंगिरिनि गेजेरजों भारतनि गहाइ मन्श्रनिसिम गांसे गोसोखां बिलाइ गथायगोन होन्ना ब्रह्मआ फोरमायना होदों। गोसोखां बिलाइयाव भटारफोरनि सुबुंखान्थि मोन्थाय महरै मोनो गोनॉं पेन्सन गथायनायजों लोगोसे माखासे दाबिफोरखौ मख'दों। हाबाफारियाव भिपिआइनि लेइइ आफादगिरि आब्दुल हासिम आकन्द, जिल्ला नेहाथारि नब' कुमार ब्रह्मामोनजौ लोगोसे माखासे दोलोयारि दैदेनगिरिफोर बाहागो लादों। ॥

कक्राझाराव 'ननिया' फरायसाफोरनि गोदान फरायसाफोरखौ बरायनाय मेल खुंदों

आरो आफॉं आसाम बिथायाव गोदान फरायसा बरायनाय मेलखौ आलारि बाथि फोजौंनायजों बेखेवना होयो गहाइ आलासि रसनाथमक ननिया जुथाय आफादनि माहारियारि जुथाय नेहाथारि धनमेन्द्र सौहानआ। सौहानआ गिबि खेबनि थाखाय ननिया फरायसाफोरनि गेजेराव दिनें खुंनाय गोदान फरायसा बरायनाय मेलआ फरायसाफोरखौ समाज जिउयाव थुलुंगाखॉं होनार्यनि थारिखजों बेबायदि मोनसे गाब गोनॉं हाबाफारि खुंनाय जादों होन्ना फोरमायो। बिथाइ जर'खायै भजपुरीया ननियाफोरा गांसे बिथिइव गोग्लैसोनाय हारि गुबुन गुबुन जेनाजों ओग्रा-मोगि जाना दं होन्ना फोरमायो। बे आयदायाव बिटिआरयाव ननिया समाजआ बर' हारिनि राव-हारिसु-आरिमुनि बिथिइव गोरोबलायनायजों सिगॉं लॉनोब्ला ननियाफोर आलादा राजखान्थियारि मोन्थायनि गोर्नांथि दं होन्ना आफादनि माहारियारि जुथाय नेहाथारि धनमेन्द्र सौहानआ बुजे। बिथाइ बिटिआरआव ननियानि थाखाय सासे बिसायख 'जानाय सोद्रोमा थिसन्नाय आरो ननियाफोरनि गुबुन गुबुन मेल आफाद आरो समाजयारि हाबाफारि खुंनायनि थाखाय मोनसे 'ननिया भवन' लुना होनार्यनि थाखाय दिनें बिटिआरि सहरारनिसिम दाबि खालामो। दिनेंनि हाबाफारियाव हांखायनाय जर'खा आलासि महरै बिटिआरनि एमसिएन्पार देकादइ बसुमतारि। लामोनो दैदेनगिरि युबिराज बसुमतारि, आफादनि जिल्ला आफादगिरि रतन सौहान, नेहाथारि राजा राम सौहान, दरं जिल्लानि नेहाथारि प्रकाश सौहान, उदाल्पगुरि जिल्लानि आफादगिरि महन सौहान, चिरॉं जिल्लानि आफादगिरि चुन्प सौहानमोनजों लोगोसे कार्बि आलं जिल्लानि गहाइ नेहाथारि चन्दन सौहान मोनहा बाहागो लादों। मख 'नो गोर्नांदि, कक्राझार बिगियान फरायसालिमानि मेल जथुमसालियाव दिनें सानसेनि हाबाफारिजों खुंनाय ननिया फरायसालिनि गोदान फरायसा बरायनायजों लोगोसे बिटिआरजों लोगोसे दरं, बइइगाइव, धुबुरी आरो गवालपारा जिल्लानि गांसे सा 500 निख्रुइ बांसिन फरायसालिमानि फरायसाफोरा बाहागो लाफेदों। ॥

तामुलपुरआव खेल महारन हाबाफारिया जागायजेनबाय

थिसिडिसिखौ लाफानानै खुंनाय खेल महारनखौ अलिम्पिक बन्जार फोजौंनानै बेखेवनानै होयो बिटिसिनि गहाइ मावफुं सोद्रोमा प्रमद बर'आ। तामुलपुर जिल्ला बेंगिरि बिद्युत बिकाश भागवतिआ बराय बिबुंथि होनाय बे हाबाफारियाव बिटिसिनि गहाइ मावफुं सोद्रोमा प्रमद बर'आ बुडोदि, आसामनि गिबि मन्श्रि हिमन्त बिश्व शर्मानि दैदेन्नाय आसाम सरकारआ राजखान्थिनिफ्राय गोजानाव थानानै सुबुं सम्पद दानार्यनि थाखाय थंरिख आजावदों। बे खेल महारनआ फैगौ गोदान जोलैनो मोनसे दिग थि खालामनानै होगोन। थॉनाय गोबां मुगानिफ्राय आसामाव मोनसे गात्रि थारसारिनि जाउनाव आसामाव गेलेमु गोलोनार्यनि थारसारिया गैया जालांदोंमोन आरो बेनि थाखाय आसामनि फरायसा, लाइमोन सेंग्रा-सिख्लाफोर गात्रि लामायाव आवगानहदोंमोन। नाथाय खेल महारननि गेजेरजों फरायसा, लाइमोन सेंग्रा-सिख्लाफोरा जेब्ला गेलेनो जागायजेनगोन, अब्ला देहायारि, मेलेमारि आरो मोजां जिउ खुंलांनो हागोन। फैगौ समाव बिटिआरआव गेलेमुनि गेजेरजों बिटिआरखौ दावगालांनो थाखाय बिटिसिनि मोन 40 बियाबाव गं 40 स्टैडियम लुनाय जागोन होनानैबो बिथाइ बुजे। हासियायारि ख'ख' गेलेगिरि रन्जना शरनियाआ समायखिरा फरायथिनाय खेल महारनआव फुटबल, भलिबल, एथ्लेटिक, ख'ख' आरो काबाडि बायदि गेलेमुयाव फरायसा, लाइमोन सेंग्रा-सिख्लाफोरा बाहागो लागोन। दिनें खेल महारननि बेखेवनाय हाबाफारियाव बिटिसिनि एमसिएलए हेमन्त राभा, बारा' एमएलए चन्दि बसुमतारि, उफ्रन जिल्ला बेंगिरि कुकिला गौं, तामुलपुर जिल्लानि पुलिस बिबानगिरि पंकज यादब, तामुलपुर जिल्ला खुंथाइनि बिबानगिरि-मावफारिया, तामुलपुर जिल्ला गेलेमु आफाद, फरायसालिनि गहाइ फोरंगिरिजों लोगोसे गुबुन गुबुन फरायसालिनि गोबां फरायसाफोरा बाहागो लायो। ॥

फैगौ 2०24 माइथायनि गोजौसिन गेजेरारि जोबथा ...

3:30 रिगासिम खुंजागोन। बर्डआ फोसावनाय बिथोनमा बायदियै सॉंथि बिलाइल' फरायनायनि थाखाय फुंनि 8:50 निफ्राय 9:00 रिगासिम आरो सान्जौफुनि समाव 1:20 निफ्राय 1:30 रिगासिम 10 मिनिटनि थाखाय उफ्रन सम होनाय जागोन। मख 'नो गोर्नांदि, बिथोभमायाव बुंनाय जादोंदि, प्रेक्टिकेल आन्जादआ फैगौ 24 जानुवारोनिफ्राय 8 फेब्रुवारीसिम खुंजागोन। ॥

बर' माहारिनि रैखाथि, थामोन्था, खौसेथिनि सार्थआव..

बारग' भलुन्टियाचं फर्चनि दैदेनगिरिफोरखौ लानानै दिनें बर' दैदेनगिरिफोरनि जथुम(Bodo Leadership Conclave) खौ कक्राझाराव थानाय कमाचं कलेजाव खुंनाय जायो। हाबाफारि बादि्यै बइ'फानि सावगारियाव बिबार बाउजेनग्रेयो बर' थुनलाइ आफादनि आफादगिरि ऊ सुरथ नाजरीीया आरो बर' दैदेनगिरिफोरनि जथुमखौ बेखेवनानै होयो मिरु एबसुनि लोगो आफादगिरि फोरजोमदाव वारिया। बिटिआर आरो बिकेर्डब्लिउरफि गाय खुंथार्यनि गेजेरजों बर' हारिखौ मोनसे गोखों हारि दानाय आरो बायदि बायदि बिथिंखौ लानानै खुंनाय बर' दैदेनगिरिफोरनि जथुमखौ मासि लानानै दैदेनो जिल्ला एबसुनि आफादगिरि मुत्रि कूपेस देमारीया आरो मेलाव गहाइ आलासि महरै बाहागो लायो दुलाराय बर' फरायसा आफादनि आफादगिरि दिपेन बर'आ। गहाइ आलासि महरै बाहागो लानानै बिथाइ बर' माहारिनि रैखाथि, थामोन्था, खौसेथिनि सार्थआव बर'नि गांसे दैदेनगिरि, राजखान्थिगिरि, माहारियारि आफादफोरा खौसे जानांगौ होनानै खावलायनायजों लोगोसे बिटिआर आरो बिकेर्डब्लिउरफि गोरोबथानि आधिखालनि थारसारि आरो दफा मावफुंनार्यनि सायाव गुवारि फोरमायनायजों लोगोसे गोरोबथा बादि्यै बिटिआरनि समस्टिया गासै गं 60 जागोन बेयाव सोरबा राजखान्थिगिरिफ्रन खर' सानांगौ गैया होनानै गावनि बिबुंथियाव दाजाबदेरनानै बुंबावो। बे सावरायनायावनो मिरु एबसुनिफ्राय नोजोरबोआरि महरै बाहागो लाबावयो फारियै लोगो गहाइ नेहाथारि दिनेम ब्रह्म, बुंथिगिरि अब्बित नाजरी, सुबुं फोनांजाब नेहाथारि बिरखां नाजरी, सोमदोन ब्रह्म, गेलेमु नेहाथारि गनेस बसुमतारि, लिरखो गेलेमु नेहाथारि मनिराम बरगयारि, रंखाखिन्ने नेहाथारि सरन्जित नार्जिनरि आरो लोगो हारिसु नेहाथारि बुदिराम बसुमतारिया बाहागो लानायजों लोगोसेनो कक्राझार जिल्लानि बेन्दोंइव थानाय गोबां माहारियारि आफादनि दैदेनगिरिफोर आरो सानसुमैफोरा बाहागो लानानै हाबाफारिखौ मेहेरगोनॉडे जाफुंसार खालामो। ॥

चेन्नाइयाव बारहुंखानि जाहोनाव दिनेबो स्कुल-कलेज बन्द

लोरबां जालांनो हमबाय होन्ना बुजे। गहाइ मन्श्रि मदिआ सशेल मिडिया पस्टयाव बुडेदि, चक्रवातजों गोहोम गोग्लैनाय ओन्सोलफोराव भुगिनोग्राफोरनि मदतनि थाखाय खुंथाया सान हर न्थांथाबदों। बेयाव थारसारिया सरसनस्ता जाजासिम रेहाय आरो रैखा खालामनाय हाबाफारिया सोलिबाय थगोन। बिथाइ चक्रवातनि जाहोनाव थैनाय सुबुंफोरनि थाखाय दुबुु मोन्नाय फोरमायदों। लकसभायाव थॉनाय बुधबरखालि जि्र आवारनि समाव द्रमुकनि सोद्रोमा टिआर बालुआ चक्रवात मिचौंनि थारिखौ दिखाडे आरो बेनि जाहोनाव फैनाय दे बानाखौ माहारियारि अलख'द सान महरै फोसावनो दाबि दैखाडे। तामिलनाडुनि सिएए एमके स्टालिनआ गहाइ मन्श्रि नरेन्द्र मदिनो लाइजाम लिरहरनानै मिचौंजों जानाय ख'हा. रेहाय आरो रैखा खालामनाय हाबाफारिनि थाखाय मिरनिफ्राय 5,000 कौटि रॉनि मदत बियो। लोगोसे मिरुआरि टैम दैथाइ हरनोबो खावलायदों। बेनि सोमोन्दै सिएएमआ बुंदों, बारहुंखानि जाहोनाव 40 रेजानिख्रुइ बांसिन सुबुंफोरा रेहाय बादफांफोरव दइ'। बेराफासं गोहोम गोग्लैनाय जिल्लाफोराव गं 372 रेहाय बाद खालामदों, जेराव सा 41,400 सुबुंफोरा आस्रय लादों। ॥

गिखंथाव लामानि जाब्रबथायाव सासे लाइमोननि जिउ खहा,...

मिबथिहोनाय बादिब्ला, भुटानआव खामानि मावहैनैया मिथुन बर्मन मुंनि सासे लाइमोनखौ बिनि लोगो देबराज बर्मनआ एएस 28 बि 65१5 नम्बरनि मटर साइकेलजों न'सिम दोनहेनो थंांदोंमोन। सानैबो लाइमोना तामुलपुरनि चन्द्रनगरनि थारगिरि। खामानि मावनाय थावनिनिफ्राय लोगोखौ लानानै न' फार्सें थांबाय थानाय समावनो गनेसगुरियाव गारिनि सामब्लाययाव खोमनानै लामायाव थानाय डिभाइदायव सौरावहैनैरायनि जाउनाव सानैबो मटर साइकेलनिफ्राय गोग्लैलाडे। जाउनाव देबरज बर्मन (25) आ जायगायावनो जिउ गोमायो आरो मिथुन बर्मन (24) मुंनि लाइमोना गोब्राबे जोखोम जायो। गोब्राबे जोखोम जानाय लाइमोनखौ कुमारिकाता पुलिस आरो ओन्सोलनि रइजो-राजाफोरनि हेफाजाबाव गोब्राब थारसारियाव कुमारिकाता देहा फाहामसालियाव थिसनहैनाय जायोब्लाबो देहा फाहामगिरिया गोजौं थाखोंनि फाहामसालियनि थाखाय गुवाहाटीसिम दैखायहरो। ॥

बारग' एनडिएफबिनि सोद्रोमाफोरा गोखोंथारै सोमावसारनाय हाबाफारि लानो हुमखि होदों

जासिगोन। बिटिआर गोजोन रदाय बायदियै आखाइयाव दैखॉंना लानाय हाथियारफोरखौ सरकारनो गथायनानै एनडिएफबिनि मोनब्रै आफादनि दैदेनगिरि-सोद्रोमाफोरा समाजनि गुबै बिथासिम फैफिन्दोंमोन। मख 'नो गोर्नांदि, बिटिआर रदायनि दफा बायदियै माखासे एनडिएफबि सोद्रोमाफोरा आधिखालाव फिन फर्सफिनजाबाय। नाथाय बे सरकारि खाबुफोरनिफ्राय खाफाल गात्रि महरै गासै 1 रेजासोनिख्रुइबो बांसिन एनडिएफबि सोद्रोमाफोरा ब्रै बोसोर बारलॉंनार्यनि उनावबो नासयजानानै थारद 'नो गोर्नां जादों। बेनि थाखायनो दिनें गोजेोननि कक्राझाराव फैगौ बिटिआर रदाय मुंसाइनायनि सिगॉं सेरफांगुरियाव थानाय डेजिगनेटेड केम्पयाव नासयजानाय केडारफोरा गावसोरखौ फिन फर्सफिनार्यनि दाबि खालामनानै गोखों सोमावसारो।

मिबथिनो मोन्नाय बायदियै गांसे सा 678 सोलॉंथाय गोनॉं बाराग' एनडिएफबि केडारनि फोरमान बिलाइफोरखौ आन्जाद नायनाय जादोंब्लाबो रदायनि ब्रै बोसोर बारलॉंनो लानायावबो गावसोर सरकारनिफ्राय मोन्नो गोनॉं ब्रै लाख रॉनि फिन फर्सफिन्याय अन्सुंथार्यनिफ्राय जानगराव थानो गोनॉं जादों। दिनेंनि हेंथा सोमावसारनाय हाबाफारियाव बाहागो लानानै गुदि थाखोंनि सोद्रोमाफोर रदायाव मुंसाइलायनार्यनि उर्ननिफ्राय आगरस्ट दानाव गथायगोन, डिसेम्बर दानाव गथायगोन होन्ना बिटिआरनि गहाइ मावफुं सोद्रोमा प्रमद बर' आरो बिटिसिनि मावफुं सोद्रोमा फेरंगा उरफे रन्जित बसुमतारिआ गावसोरखौ नासयनायल' नइ, गावसोरनि जिउखौ लानानै गेलेदों होन्ना गोखों अजद होदों।

मख 'नो गोर्नांदि, अजद होनाय बायदियै फिन फर्सफिन्यायनि गोर्नांथि जानाय नांगौबादि खामानि मावनायनि बिबान लादोंमोन बाराग' एनडिआरनि दैदेनगिरि आरो आधिखालनि बिटिसिनि मावफुं सोद्रोमा रन्जित बसुमतारि आरो लेइइ गहाइ मावफुं सोद्रोमा गबिन्द चन्द्र बसुमतारि मोनहा। बेनि सोमोन्दै मावफुं सोद्रोमा रन्जित बसुमतारि आरो लेइइ गहाइ मावफुं सोद्रोमा गबिन्द चन्द्र बसुमतारि मोनहा नभेम्बर दानावनो सा 678 सोलॉंथाय गोनॉं बाराग' एनडिएफबि केडारफोरखौ फिन फर्सफिन्यायनि 4 लाख रॉ मोनगोन होन्ना गावसोरनो बाश्रा होदोंमोन। नाथाय डिसेम्बरनि 7 अक्ट बारलॉंनार्यनि उनावबो गावसोर फिन फर्सफिन्यायनि गथायनायखौ मोनाखै होन्ना ख्रुडिखानाव फोरमायदों।

फारसेथिं आरोबाव गांसे 2 रेजानिख्रुइ बांसिन सोलॉंथाय गोनॉं एनडिएफबि केडारफोरा आधिखालाव फोरमान बिलाइ नायब बिजिरनो आद्रा दं होन्ना बिसोर केडारफोरा फोरमायदों।

मख 'नो गोर्नांदि, बिटिआर रदायनि उनाव खायसे दैदेनगिरि-सोद्रोमाफोरा मोजांथारै सान बारहोलादों, जार्यनि अनगाथै गावसोर सानफ्रोमबो खामानि मावनानै जिउखॉंनो गोनॉं जादों। बेनि अनगाथैबो माखासेफोरा आधिखालावबो जोबथेसालियाव सान बारहोनांदों। फिन फर्सफिन्यायनि बिबानाव थानाय दैदेनगिरिफोरा खामानिया सिगॉंबाय होन्नानैल' फोरमायबदों होन्नानैबो गुबुन मोनसे गोखों अजद होदों। जेराव बाश्रा होनानैबो फैदों, सानै दैदेनगिरिफोरा। बेबायदि माखासे अजदखौ मख 'नानै नासयजानाय केडारफोरा बे खेबनि सोलिफु डिसेम्बर दानाव मोन्नो गोनॉं फिन फर्सफिन्यायनि अन्सुंथायखौ मोनाब्ला गोखोंथारै सोमावसारनार्यनि हाबाफारि लागोन होन्नानैबो सरकारनिसिम हुमखि होदों बाराग' एनडिएफबिनि सोद्रोमाफोरा। ॥

बि जे पिनि आफादगिरि भवेश कलिताआ गसाइगावआव बि जे पिनि मोननै दखरा ...

मासियाव देरहासारगोन। बे मिशनाव नरेन्द्र मदिनि दैदेन्नाय आरो रइज्योयाव गिबि मन्श्रि ऊ हिमन्त बिश्व शर्मानि दैदेन्नायाव थामथि खेबनि थाखाय मिरुयाव नरेन्द्र मदिआ गहाइ मन्श्रिनि मासियाव जिरायगोन। रइज्योनि दाब-दाब जायगाजों लोगोसे बिटिआर ओन्सोलनि दोलोखौ मोखों खालामनानै जुथाय हान्जानि बिजाथिखौ देरहासार होनो जारिन्ज खाफ्रानानै बिजेपिनि 12 प्लास मिसनाव कक्राझार बियाबाव जुथाय हान्जानि बिजाथिया थगोन। बिजेपिनि मोनब्रै खुन्थिया मावफारिया, खामानि मावफुंनाय, मावखुलि बायदिजों दोलोनि बिथाखौ गोखों खालामनगोन।

बे बाश्राखौ बुजे बिजेपिनि रइज्योयारि आफादगिरि भवेश कलिताआ। दिनें बिटिसिनि सिइव थानाय गसाइगाव महकुमानि 6 नं कसुगाव आरो 4 नं जमदुवार बिटिसि बियाबनि बिजेपिनि दखरा मावखुलि बेखेवनानै रइज्योयारि आफादगिरि भवेश कलिताआ बुडोदि, नरेन्द्र मदिनि दैदेन्नायाव बिटिआर ओन्सोलाव गोजेोन गायसनजादों। गोजेोन थारारि फेनाय लोगो-लोगोनो ओन्सोलाव जौगानाया जागायजेन्दों। बे बायदिनो गिबि मन्श्रि ऊ हिमन्त बिश्व शर्मानि गेना-खांथि, गात्रि खुंथाइ सामब्लायनार्यनि हेंथायै लानाय गोखों थंरिख, बिटिसिनि रइजो-राजाफोरनि फार्सें थानाय मोजां सानक्ति, बिबान गोर्नांनि थाखाय बिटिआरयाव गोजेोन आरो जौगाथायनि दाहाराआ जागायजेन्दों। रइज्योनि दाब-दाब जायगाजों लोगोसे बिटिआरआव सरकार आ होनाय गुबुन गुबुन बिर्थांथिनि मोजां फिथाइखौ रइजो-राजाफोरा मा बायदियै मोन्नो हादों बेनि सायाव बिथाइज फोरमायथिनानै होयो।

बिथाइज बुडोदि, गुबुन गुबुन जिल्लायाव लुनाय जिल्ला मावखुलि, बिटिआरआव दखरा मावखुलि बायदि लुनार्यनि गेजेरजों दोलोनि बिथाखौ गोखों खालामनानै फैगौ लकसभा बिसायख 'थियाव जुथाय हान्जानि बिजाथिखौ देरहासार होनो खावलायो। बिटिसिनि जमदुवार बियाबनि कासियाबारिआव दोलोनि मावखुलि बेखेवनानै रइज्योनि आफादगिरिआ मावफारियाफोरखौ दोलोनि खामानिफोरखौ गोख्रैयै दावगालाहोनो खावलायो। मावखुलि बेखेवनाय हाबाफारियाव मावफुं सोद्रोमा रेव रेवा नर्जिहारीआ दोलोनि जानानै बिबुंथि होयो। बे हाबाफारियाव दोलोनि फिरफिलाखौ बिरहोानै बराय बिबुंथि होयो आफादगिरि राज कुमार नाजरीरिआ। दोलोनि गोबां मावफारियाफोरा बाहागो लानाय बे मावखुलि बेखेवनाय हाबाफारियाव बाराग' एमएलए बलेन्द्र मुसाहारी, बाराग' मावफुं सोद्रोमा राजिव ब्रह्म, जिल्लानि लेइइ आफादगिरि जेथमल माल्लु, एमसिएलए सजल कुमार सिंह, जिल्ला आफादनि नेहाथारि गसाइ बसुमतारि, बियाबनि लोगो इन-चारं जितु किशान मोनजों लोगोसे दोलोनि गोबां मावथिफोरखौ बाहागो लायो। गुबुन फार्सेंथि, कसुगावआव मावखुलिखौ बेखेवनानै होयो आफादगिरि भवेश कलिताआ।

मावखुलि बेखेवनायनि सिगॉं फिरफिलाखौ बिरहोयो जिल्लानि आफादगिरि कबिता बसुमतारिआ। बिफां फुलि गायजेन्नानै रइज्योयारि बिजेपिनि आफादगिरि भवेश कलिताआ दोलोनि मावथिफोरखौ फैगौ 25 डिसेम्बरव भाजपेयीनि जोनोम साननि लोब्बायै मोन 12 दखरायाव गहाम खुंथाइ सान फालिनायनि अनगाथैबो बोसोरनि जोबथा मन की बात हाबाफारियाव बाहागो लानो खावलायहरो। जौगाखां भारत जेना, आरुनदय, आयुश्मान, रेशन कार्ड, सरकारनि बायदि जौगाखां बिर्थांखिफोरनि रेजफुंसार मावफुंनार्यनि सायाव बिबुंथि होनानै फैगौ लकसभा बिसायख 'थियाव बिजेपिनि मावफारियाफोरखौ

गुबुन हादरनि मोनबै सावथुनफोरखौ उन खालामनानै सावथुन एनिमेलआ नम्बर 1 आव थादौ

रणबीर कापुर, बबी देअल, रश्मिका मन्डना आरु अनिल कापुरनि सावथुन एनिमेलआ भारतीय बक्स अफिसआव दोहो सोमजिहोदौ। सावथुनआ 3 सानआव 350 कौटिनि बांसिन मुलुगनाडैनि बक्स अफिसआव आरजिदौ। भारतनि अनगायै गासै हादरआवबो सन्दिप रेड्डु भांगानि बिथोन होनायाव बानायनाय एनिमेलआ दोहो सोमजिदौ। गुबुन हादरआवबो रणबीरखौ गोबां मोजौ मोन्दौ। रणबीरनि सावथुनआ नेपलियन आरु दा हांगार गेम्स: दा बेलाड अफ संगबर्डस एन्ड स्नेक्स बायदि गिदिर सावथुनफोरखौ उन खालामदौ। सुलुनि



बादिब्ला, एनिमेलआ बे उडेकेन्डआव मुलुगनाडै 42.1 मिलियन डलार आरजिदौ, जाय नेपलियन आरु दा हांगार गेम्स, दा बेलाड अफ संगबर्डस एन्ड स्नेक्सिनफ्राय जोबोद बांसिन

आरु बेयो वर्ल्ड लेभलआव नम्बर 1 सावथुन जादौ। सुलुनि बादिब्ला, एनिमेलखौ दर 38 हादरफोरखौ रिलीज खालामनाय जादौ। मुलुगनाडै गासै रां आरजिनायाव सा आमेरिकायाव 6.1 मिलियन डलारआ थाफादेरदौ, जेराव बेखौ 850 स्क्रीनफोराव रिलीज खालामनाय जादौ। भेराइतिनि बादिब्ला, गुबुन जायगायाव रिडले स्कटनि एक्सन

सावथुनआ नेपलियन, जाय मुलुगनाडै 35.7 मिलियन डलार कालेक्सन खालामदौ। नेपलियनखौ एप्पल अरिजिनेल फिल्मसआ प्रडिउस खालामदौ। नेपलियनआ दर 63 हादरफोरखौ 21,500 निबो बांसिन स्क्रीनफोराव सोलिलदौ। बेनि अनगायै 6 डिसेम्बरआव खोला करियाआव रिलीज जायो। बेयो बयनिखुइ बांसिन रां आरजिनो हानाय हादरफोरनि

गेजेराव दरसे। 3 थि नम्बरआव लायन्सगेटनि दा हांगार गेम्स: दा बेलाड अफ संगबर्डस एन्ड स्नेक्सआ थादौ। बे सावथुनआ उडेकेन्डआव 88 हादरफोरखौ हमदांनय बादिदौ 29.4 मिलियन डलारखौ आरजिदौ। ब्रैथि नम्बरआव बेयेन्सेजौ लिरजानाय, बिथोन होजानाय आरु बानायजानाय मोनसे कन्सर्टसावथुनआ रेनेसां, जाय 27.4 मिलियन डलार आरजिदौ। बेबो दर 88 हादरफोरखौ सोलिलदौ। डिज्नीनि भिशाआ दर 34 हादरफोरनिफ्राय 26.2 मिलियन डलार आरजिनायजौ लोकोसे बाथि नम्बरआव थादौ। बेयो मुलुगनां थाखोआव 18.8 मिलियन डलारखौ आरजिदौ। मख'नो गोनांदि, रणबीर कापुरनि एनिमेलआ भारतीय अडियेन्सिनफ्रायबो मोजौ फिनजाथाय मोन्दौ।

कान्टा लागानि मुंदांखा शेफालि जरिवालाआ टिभि सिरियालआव डेब्यु खालामसिगोन



आयकनिक देखौ कान्टा लागानि मुंदांखा सिख्खा शेफालि जरिवालाआ गोबाव बोसोरनि उनाव टेलिभिजनआव गावनि दोहौखौ दिन्थिसिगोन। थाबैनो शेफालि जरिवालाआ टिभिआव डेब्यु खालामसिगोन। बे बाश्राखौ शेफालिआ गावनो मोनसे इन्टरभिडनि समाव फोरमायदौ। शेफालिआ गावनि इन्टरभिडआव फोरमायदौदि, गाव सिगाडाव टिभिनि स्टारिलाइन आरु स्क्रीफ्टफोरखौ बुजिनो मोनामोन, बेनि जाहोनावनो गाव टिभिआव फाव खालामा होनानै सान्दौमोन। कान्टा लागानि मुंदांखा शेफालि जरिवालाआ बावैसो समाव मोनसे इन्टरभिड होदौ, जेराव बियो गावनि टिभि डेब्युनि खौरंखौ होनानै बुडो, गाव टिभिनि स्टारिलाइन आरु स्क्रीफ्टफोरखौ बुजियामोन, बेनिखायनो टिभिआव फाव खालामनायनि सोमोन्दै सानामोन। नाथाय उनाव गाव शेतानि रस्मेंखौ मोनो आरु बेनि स्टारिलाइनखौ फरयो, जायजौ गाव थुलुंगाखाडे आरु समखौ हगारहगालासे फाव खालामनो गनायो। शेफालिआ गावनि इन्टरभिडआव बुडो, गाव गावखौनो मोजौ फावगिरि होनानै हमदाड, मानोनो टिभिआव सानफ्रोमबो आलादा रोखोमनि एक्टि खालामनांगौ जायो, जायखौ स्क्रीफ्टनि डिमान्ड बायदि खालामनांगौ जायो। नाथाय बे सिरियालआव पारफर्म खालामनो थाखाय गाव थियारि जादौ। आर्थिखालाव टिभिनिफ्राय बांसिन बिखौ गावनि थाखाय अटिटिआव खामानि मावनाय नुनो मोन्दौमोन। फावखुंघुरि शेफालि जरिवालाखौ भारतनि गोदान टिभि स्व शैतानि रस्में मुनि सिरियालआव नुनो मोनगोन। शेफालि जरिवालाखौ जोबथा खेब बिग बस सिजन 13 आव अनस्क्रीनआव नुनो मोन्दौमोन। आर्थिखालाव बियो गोबाव बोसोरनि उनाव टिभिआव एक्टि केरियाखौ जागायसिगोन।

जितेन्द्रआ गावनि लोगो जुनियर महमुदजौ लोगो हमनो देहा फाहामसालिआव थादौ

माखासे सावथुनफोरखौ गावनि एक्टिनि दोहौ दिन्थिनो हाबोनाय जुनियर महमुदआ केन्सार्नि जाहोनाव गावनि जिउजौ जुजिनो गोनां जादौ। महमुदआ देहा पाहामसालिआव थिसनजादौ आरु बिनि फाहामथायआ सोलिगासिनो दड। देहाआ गात्रि जानायनि जाहोनाव फावखुंघुरआ गावनि खाथिनि सोमोन्दो थानाय लोगो जितेन्द्र आरु सचिन पिलगांवकरजौ लोगो हमनो गोसो जानायखौ फोरमायदौमोन। आर्थिखालाव



फावखुंघुरनि बे गोसो जानाया आबुं जाबाय। बे सानै स्टारफोय देहा फाहामसालिआव गावसोरनि लोगोखौ लोगो हमनो फैयो। गावनि लोगोखौ

बे थासारिआव नुनानै फावखुंघुर जितेन्द्रनि मेगननिफ्राय मोदै गदौ। मख'नो गोनांदि, माखासे सान सिगां सासे फेनआ ससेल मिडियाआव गोजाम सावगारि

शेयार खालामदौमोन। बे सावगारिखौ शेयार खालामनानै महमुदआ जितेन्द्र आरु उन्दै समनि लोगो सचिन पिलगांवकरजौ लोगो हमनो गोसो जानायखौ फोरमायदौ होनानै लिरदौमोन। महमुदनि गोसो जानायखौ जितेन्द्रआ देहा फाहामसालियाव सौहैदौ। ससेल मिडियाआव भाइरल जानाय सावगारिआव जितेन्द्रखौ महमुदनि देहायारि थासारिखौ सौनाय नुनो मोन्दौ। बेराफासै बिनि खाथियाव जनि लिभारखौबो गसंनय नुनो

मोन्दौ। जुनियर महमुदजौ लोगो हमनारनि उनाव जितेन्द्रआ गोबां इमसनल जादौ आरु बिनि मेगननिफ्राय मोदै गदौ।

दासान्दि बेनेजुएलाया गुयानानि सायाव गाग्लोबनो थियारि जादौ:सुलुं

बगत, 7 डिसेम्बर : खोला आमेरिका गाहाइ द्विपआव थानाय गुडु हाग्राजौ बुंफबनाय एस्सेक्विब ओन्सोलखौ लानानै बेनेजुएला आरु न'सुंसे हादत गुयानाआ मोगा-मोगि जाखांबाय। बेजौ लोगोसे मुलुगआव जाबाय थानाय मोननै दावहाफोरनि गेजेराव थामथि दावहा जानो थांगासिनो दड। अदेबानि रासिया-इउक्रेन दावहा आरु इन्नाइल-हामासनि



बे'खनआव थानाय फलिस्टाइनआव सोलिबाय थानाय दावहानि गेजेरजौ जोसे बोसोर गोजामनि दखल खालामनायखौ लानानै

बेनेजुएलानि सान्थिफोर गुयानानि सायाव जायखि-जाया समाव गाग्लोबनो थाखाय थियारि जादौ। बेनेजुएलायाव बावैसो समाव हादतगिरि निकलास मादुरनि

फारसेनिफ्राय खालामनाय सुबुंफोरनि भटआव एस्सेक्विबखौ गावसोरनि सिडव सोफानायनि सायाव सुबुंफोर गनायथि होयो। बेराफासे आमेरिकाया गुयानाखौ मदत होनो थांखि लायो आरु रासियाआ बे बिथिडाव बेनेजुएलाजौ लोगोसे गसंफायो। बेनि गेजेरजौ गुयानानि सुबुंफोरनि गेजेराव दावहानि थासारिखौ लानानै गिनाय साग्लोबसरो।

गाहाम देहानि राहा

डार्क चकलेटआ खुगाखौ रिफ्रेश खालामनायनि अनगायै मेगननि नुथाइखौबो बांहेयो

चकलेट जानो साफ्रोमबो सुबुंफोरानो मोजौ मोनो। उन्दै गेदेर गासैबो सुबुंफोरा चकलेटखौ जानो मोजौ मोनो। नाथाय चकलेट जानानैबो देहायाव माखासे मुलाम्फाफोरखौ मोनो होनानै बाडाइ सुबुंफोरा मिबथियो जानांगौ। जौ दिने बेवहाय चकलेटनि मुलाम्फानि सोमोन्दै गुवारै मिबथिना लागोन। बे मुलाम्फानि थाखाय नोंथाड मिक्क चकलेटनि सोलायै डार्क चकलेटखौ गावनि डाइटआव बाहागो बानायनांगौ। डार्क चकलेट जानायजौ देहायाव गोबां रोखोमनि मुलाम्फाखौ मोनो होयो। एक्सपार्टफोरा फोरमायोदि, डार्क चकलेटखौ कक' बिन्सजौ बानायनाय जायो। बेवहाय आइरन, कपर, फ्लेभनयडस, जिंक आरु फसफरस बायदि गुणफोरखौ मोननाय जायो, जायखौ जौनि बडिनि माखासे फांक्शनखौ सालायनो थाखाय गोनांथार जायो। ब्लाड प्रेशारनि बेरामिफोरनो हेल्डियै थानो




थाखाय गोबां मुवा बेसादफोरखौ जानो बादा होनाय जायो, नाथाय माखासे मुवा बेसादफोरा औरैबायदि दड; जायखौ जानायजौ बेखौ गोबां कन्ट्रल खालामनो हायो आरु बेफोराव डार्क चकलेटखौबो लाफानो हायो। मानोनो बेवहाय एन्टी हाइपरटेन्सिभ गोहोमा थायो, जाय हाइ बिपिखौ कन्ट्रल खालामनायाव मदत होयो। समान बिबाडव बेखौ जानानै हाइ ब्लाड प्रेशारखौ बाडाइ खालामनो हायो। फारसेथि गोबाव समय लेपटपआव जिरायनानै खामानि मावनाय आरु मबाइलआव गेम गेलेनायजौ मेगनआव गोबां

गोहोम गोलैयो। बेबायदियाव मेगनखौ हेल्डियै लाखिनो थाखाय डार्क चकलेटखौ जानो हायो। बेवहाय थानाय गुणफोरा मेगनखौ हेल्डि लाखिनाय आरु नुथाइखौ बांहेनायाव मदत होयो। जौनि देहानि गोनांथार अंगआ बिखा, बेबायदियाव बिखाखौ गाहामै लाखिनो थाखायबो गावनि डाइटआव हेल्डि मुवा बेसादफोरखौ लाफादेरनो थिनाय जायो, जेराव डार्क चकलेटआव एन्टिहाइपरटेन्सिभ, एन्टि फ्लेटलेट, एन्टिअक्सिडेन आरु एन्टि एमफलेमेटरिआ गोहोम गोलैयो, जाय बिखाजौ सोमोन्दो गोनां जेनाफोरखौ गोबां बाडाइ खालामनायाव मदत होयो।

सावथुन आराधनाआबो मोनसे समाव गोबां दोहौ सोमजिखांहेदौमोन

गासैबो सावथुननिनो मोनसे खाफाल थायो होनना बुंनय जायो। 54 बोसोर सिगां रिलिज जानाय राजेश खान्ना आरु शर्मिला टेरगनि सावथुन आराधनायाबो मोनसे खाफालखौ लानानै फेदौमोन, जायनि जाहोनाव गोदोलानो नागिरखानाय सावथुनआनो थियारि जाफिदौ, रिलिज जादौ आरु उनाव बेयो बै जाफुंसारनायखौ मोनहोदौ, जायखौ रावबो सानखांनोबो हायाखैमोन। बेनि अनगायै सावथुनआ बलिउडनो साबसिन जराखौ होदौब्ला लोगोसेनो राजेश खान्ना आरु शर्मिला टेरगनि केरियाखौ मोजौ थाखोआव लांदौ। सावथुनखौ बानायनो थाखाय रांआ बयनिखुइ गोनांसिन जायो। बे सावथुननि शुटिंआ इन्डरनि अनगायै दार्जिलिंआवबो जादौ, जायनि जाहोनाव बे सावथुनआवबो बै समनि हिसाबे गोबां रांआ खर'सा जायो। 1969 आव बे आराधना सावथुनआ रिलिज जादौमोन।



फोरमायनाय बायदिब्ला सावथुननि बाजेटाआ 54 बोसोर सिगां 80 लाख रंमोन। जेराव स्टार कास्टनि फिसआबो थाफादेरदौमोन। नाथाय जेब्ला राजेश आरु शर्मिलानि जराखौ पर्दायाव आरु आराधनायाव नुयो अब्ला सुबुंफोरा गोबां जावलिना जायो। सुबुंफोरा बे मोजौ मोनलायनायनि सल'खौ थियेटरआव गोबां मोजा मोनो आरु सावथुनआ पर्दीनिफ्राय जानागारव थानायनि मुं लायाखैमोन। गोबां सप्ताह बारलादौ आरु 50 सप्ताहनि उनाव सावथुनआ

सिनेमाहलफोरनिफ्राय जानगार जायो। बे सावथुनआ बै बोसोराव 17 कौटिनि बांसिन रांखौ आरजिदौ, जाय आर्थिखालनि समाव 925 कौटि रंजौ समान जायो। बे बायदियाव सावथुनखौ लानानै बै समनि जावलिना जानाया माबादि जादौ बेखौ महदांनो हायो। सावथुनआव साबसिनफ्राय हामसिन दैखोफोर दडमोन। 'मेरे सपनौ कि रानि'निफ्राय लानानै रुप तेरा मस्ताना तक गासै बो दे'खोफोरखौ दिनेसिमबो खोनासंनय जायो।

शाहरुख खानआ जवानजौ डंकिनि सोमोन्दो थानायनि सायाव उदाडै फोरमायथिदौ

बे बोसोराव सावथुन पाठान आरु जवान बायदि दोहौ गोनां सावथुनफोरखौ होनाय शाहरुख खानखौ थाबैनो सावथुन 'डंकि'आव नुनो मोनसिगोन। गोलाव समनिफ्राय बे सावथुनखौ लानानै किं खाननि मुडा लांथिन्थै खौराडाव थादौ। मंगलबारखालि डंकिनि गोदान ट्रेलारखौ रिलिज खालामनाय जादौ, जेराव शाहरुखखौ सासे बैसो जानाय सुबुंनि फावआवबो नुनो मोननाय जादौ। बे बिथिखौ सावथुन जवानजौ सरजाबनानै सासे टुइटार इउजारआ फावखुंघुरनियाव सौथिनि फिन्नायखौ उदाडै



खानआ गावनि आखुआव गिदिर फिन्नाय होदौ। डंकिनि ट्रेलार रिलिजनि सानसे उनाव शाहरुख खानआ गावनि अफिशियल टुइटार हेन्डेलआव आस्क एसआरके सेशन खालामदौ। बे समाव शाहरुखआ गोबां फेन्सफोरनि सौथिनि फिन्नायखौ उदाडै

होदौ। बेनि गेजेराव सासे डुजारआ डंकि ट्रेलारआव नुनो मोननाय किं खाननि अल्ड मेन लुकनि सावगारिखौ शेयार खालामनानै फावखुंघुरनियाव सौथि सोडो। बेवहाय जवाननि भिक्कम राठौडिनि केमिय'खौ डंकियाव मानो दोन्दौ होनना सौनाय जायो। बे सौथियाव

गोबाव खालामाजासे शाहरुखआ लिरौ- मानोनो बे सावथुनआवबो गाव आर्मिनि जवान जादौ। बे बायदिनो शाहरुखआ डंकिआव गावनि फावनि थोखोमाना थानाय बाश्राफोरखौ फोरमायदौ। मख'नो गोनांदि, सावथुन 'जवान'आव किं खानआ सासे आर्मि अफिसरनि फाव खालामदौमोन। डंकिनि बे गोदान ट्रेलारखौ नुनायनि उनाव बे सावथुननि थाखाय फेन्सफोरनि एक्साइटमेन्टआ गोबां बांदौ। साफ्रोमबो आर्थिखालाव डंकिनि रिलिजखौ नेनानै थादौ। बे सावथुनआ 21 डिसेम्बरआव रिलिज जागोन।

ब्रिटेनआव साख्रि मावहैनो सिमां नुनाय सुबुंफोरनि थाखाय गिदिर खौरां

गोदान दिल्ली, 7 डिसेम्बर: जुदि नोंथाडा इलेण्डआव थानो थांखि लादों एबा सोलौंथाय लाखानायनि उनाव ब्रिटेनआव साख्रि मावनायनि सिमां सुजुदोंब्ला बे खौराडा नोंथांखौ सोमोखांहोने हागौ। इलेण्डनि ऋषि सुनक सरकारआ भिजा पलिसिआव गिदिर सोलायदों। बे सोलायनायनि थांखिआ आइनारि महरै ब्रिटेनआव थांग्रा गुबुन हादरनि नोगोरिफोरनि सुबुं अन्जिमायाव बाडाइ खालामनाय। गोदान नेमखांथिनि गेजेरजों ब्रिटेनआव थानानै खामानि मावग्रा गुबुन हादरनि नोगोरिफोरा गावनि नख'रनि सुबुंफोरखौ लोगोसेयै लांफानो हानाय नडा। सुनक सरकारनि फार्सेनिफ्राय लानाय बे थांखिखौ भारतीयफोरनि थाखाय गिदिर सोमोनांथाव मानिनानै लानाय जादों। गोदान नेमखांथिनि बादिब्ला, आथिखालाव जाय सुबुंडा इलेण्डआव थाहनानै खामानि मावको हास्थायो, बिसोरनो



सेलारिआ गोबां जायोब्लासो वर्क भिजाखौ होनाय जागोन। ब्रिटिस सरकारनि फार्सेनिफ्राय स्क्लेड वर्क भिजानि थाखाय सेलारि लिमिटखौ बांहोनायजों 3 लाख सुबुंफोरनि गेजेराव गोहोम गोलेगोननि आसा दड। गोदान नेमखांथिनि बादिब्ला, आथिखालाव जुदि नोंथाडा इलेण्डआव थानानै साख्रि मावको हास्थायोब्ला नोंथानि मिनिमाम सेलारिआ 38,700 पाउन्ड (40.61 लाख रं) जानांगोन। गिबिआव बे लिमिटआ 26,000 पाउन्ड (27.28 लाख रं) मोन। ब्रिटेननि

हम सेक्रेटारि जेम्स क्लेभरलिआ संसदआ बुंदोंदि, बे नेमखांथिखौ इडकेआव नेट माइग्रेसनखौ बाडाइ खालामनो थाखाय डिजाइन खालामनाय जादों। जुदि नोंथाडा स्क्लेड वर्कनि गेजेरजों भिजानि थाखाय आर'ज गाबोब्ला नोंथानि सेलारिआ 38,700 पाउन्ड जानांगोन। बेबादिनो सरकारआ फेमिली भिजा केटेगिआवबो आर'ज गाबनायनि नेमखांथिखौ सोलायदों। गिबिआव बे केटेगिआव सेलारिनि लिमिटआ 18,600 पाउन्डमोन। बेखौबो बांहोनाय आथिखालाव 38,700 पाउन्ड खालामनानै होबाय।

खोला गाजायाव इज्राइलनि सान्थिफोरा जोबस्रानाय लाबोदों

जेरुजालेम, 7 डिसेम्बर : इज्राइलआ अरयथा नडै दावहा दोन्थ'नायनि उनाव गाजायाव गार्लोबनायखौ गोखों खालामफिनो। अदेबानि इज्राइलनि गार्लोबनायजों गाजायाव सिलिंखार जानो हमदों। बेनि गेजेरजों थानाय बुधबारखालि इज्राइलनि सान्थिफोरा खोला गाजानि खान युनिस सहरनि बिचंबिच आव सौहैयो आरो हामासजों लोगोसे मोगा-मोगियै दावहा नाडो। रेखाथि ओन्सोलाव थाडैयाव सरसन्हा सुबुंफोरा बे ओन्सोलनिफ्राय खारनो गोनां जाना फेयो। थानाय 7 अक्टबरनिफ्राय बे दावहाया जागायदोंमोन। दिनै दाननै आबुं जानानैबो बे दावहाया जोबनायनि मुं लानायनि अनगा नेक्स लेभेलआव सौहैदों। जेयव मोगा-मोगि दावहा नांनया सोलिगसिनो दड। बेराफारसे इज्राइलनि एयारफर्सनि उरां जाहाजफोर गोबां सुबुंफोर थानाय बोरियारि ओन्सोलाव हामासनि थांखिफोरखौ टार्गेट खालामना



गोबां बम गावयो। बे दावहानि गोहोमाव देहा फाहामसालिफोर थैनाय आरो जोखोम जानाय सुबुंफोरजों बुंफुदों। बेफोरनि गेजेराव बांसिनानो आइजो आरो गथ'फोर। बेनि सोमोन्दै फिलिस्ताइन डक्टरफोर बुंदों, देहा

फाहामसालिफोराव मेडिकेल जागनाय होनाया जोबना थांबाय। सरसन्हा नोगोरिफोरा आश्रय नागिरासिनो दड, नाथाय बिसोर लामायावनो थानांदों। इज्राइलनि सान्थिफोरा थानाय बुधबारखालि टेंकफोरजों लोगोसे खोला सहरनि

फारसे आवगायो आरो खान युनिस सहरखौ बेंखनानै गुलि गावनो जागायो। बिसोर गंसे स्कुलनि थांथियाव मोनसे उतखारि हांजाजों लोगोसे गोबां केम्पफोरनि सायाव गार्लोबो। बेनि सोमोन्दैयै हामासआ बुडो थानाय बुधबारखालिनि

दावहाया जोबोद गिखंथावमोन। जेयव गोबां सुबुंफोर थैयो आरो गोबांआनो जोखोम जायो। बे समाव इज्राइलआ टेंकखौ खान युनिस रिफुजि केम्पनि थांथियाव थिसन्दोंमोन। गाजायाव दाननैनिफ्राय सोलिनाय दावहानि गेजेरजों आथिखालाव इडएननि मेगनआ गेवदों। इडएननि गाहाइ सेक्रेटारि एन्टनिय' गुतेरेसआ थानाय बुधबारखालि गिबि खेब बे दावहानि सायाव गिदिर थांखि लायो। बेनि गेजेरजों बिथाडा इडएन चार्टरनि आटिक्ल 99 खौ फोसावनानै रेखाथि परिसदनियाव गाजायाव बिबुंथियाव अलखदखौ होबथानो खावलायो। गुतेरेसआ गाजायाव नोगोरिफोरनि थाखाय जेबो गहाम रेखाथि गैया होना दाय जाबसिन्दों। फारसेथं गोदान दावहायाव खोला गाजायाव हेफाजाब होने जगायना होनायाव गाज्रियै गोहोम गोलैदों।

आमेरिकायाव गुलि गावगलुंनयाय जाथायाव सा 3 सुबुंफोरनि जिउ गोमादों

लास भेगास, 7 डिसेम्बर: आमेरिकायाव गुलि गावना जिउ फोजोबनाय जाथायफोरा जाफलेगसिनो थानायखौ नुनो मोनगासिनो। बेबादि गोदान जाथाया आमेरिकानि लास भेगासआव सोमजिबावदों। नेभादा मुलुगसोलौंसालिनि लांगोनायाव जानाय गुलि गावनाय जाथायाव सा 3 सुबुंफोरनि जिउ गोमादों। लास भेगास पुलिसआ गार्लोबग्रा दुथांआबो बेयाव गुलि नानानै जिउ गोमादों होना मिथिहोदों। लास भेगास पुलिस बिफाननिफ्राय फोसावनाय मोनसे फिन्नायाव बुंदोंदि, गुलि गावनाय बे जाथायाव सा 3 जिउ गोमादों आरो सासे गुलि नानानै गोब्राब जोखोम जायो। पुलिसआ जिउ गोमानाय सुबुंफोरनि सिनायथिखौ रोखा खालामाखै आरो गार्लोबग्रा



दायनिगिरिआ गावनो गुलि गावना जिउ फोजोबनानै लादों ना पुलिसनि गुलिआव जिउ गोमादों बेखौबो रोखा मिथिनो हानाय जायाखै। प्रफे सार भिन्सेन्ट पेरेजआ फोरमायदोंदि, केम्पासआव गोबां गुलि गावनायनि सोदोब खोनादोंमोन। गुलि गावनाय सोदोब

खोनाय लोको-लोगोनो बैयाव थानाय सुबुंफोरा गावनि जिउ रेखा खालामनानै रेखाथि जायगाफोरव खारलानानै थाहैयो। पुलिसनि बुंथिगिरि एडम गार्सियाआ बिफिंफि आव फोरमायदोंदि, केम्पासआव हाथियार लानानै सासेदुथां हबफेनयनि खौंमोनाय लोगो लोगो जाथायसालिआव फैनानै पुलिसआ बिखौ बेंदिना लार्फेदों। बेयावनो

पुलिसजों दुथांआ गुलि गावज्जायो आरो उनाव बिनि जिउआबो गोमायो। मख'जाथावदि, 2027 आवबो बेबादि जाथाया लास भेगासआव जादोंमोन, जेयव सासे हाथियार लानानै फैनय दुथांआ मोनसे मिर्जिक फेस्टिवलआव हेल्थनि खिखिजों गुलि गावहरदोंमोन। बेयाव सा 7 जिउ गोमादोंमोन आरो गोबां जोखोम जादोंमोन।

सिजल, 7 डिसेम्बर: सा करियानि तानाशाह किम जॅन गले-गले बेलिस्टिक मिसाइलफोरखौ आनजाद नायनाया जापान, खोला करिया बायदि नसुंसेनि हादोरफोरनि जेनाफोरखौ बांहोदों। सा करियायाबो बावैसो सिगां मोनसे संगालि ग्रहसा हगारनायनि दाबि खालामदोंदि। संगालि ग्रहसाखौ हगारनायनि उनाव सा करियाया खोला करिया आरो जापाननि अनगायैबो आमेरिकानि बिथाफोरनिबो सावगारि लानो जागायबाय। दाबि खालामदोंदि, वाइट हाउसनि सावगारिफोरबो लाबाय। सा करियानिफ्राय बेबादि खैफोदनि गेजेराव आमेरिका, खोला करिया आरो जापाननि हायुंआरि रेखाथि बोसोनगिरिफोरा मोनसे जथुमा खालामगोन आरो सावरायगोन। रिपर्टनि बायदिब्ला, आमेरिका, खोला करिया आरो जापाननि हायुंआरि रेखाथि बोसोनगिरिफोरा बे सप्ताहयाव सा करियानिफ्राय बांलानाय रौनिया खैफोद आरो गुबुन ओनसोलारि रेखाथि आयदाफोरनि सायाव



सावरायनो थाखाय जथुमगोन। खोला करियानि हादरगिरिनि मावख'आ बुंदोंमोनदि, बेनि हायुंआरि रेखाथि मावख'नि सामलायगिरि चो ताए-यंगआ शनिबाखालि आमेरिकानि हायुंआरि रेखाथि बोसोनगिरि जेक सुलिवान आरो जापाननि हायुंआरि रेखाथि सेक्रेटारियेटनि नेहाथारि ताकेअ'

अकिबाजों सा करिया आरो गुबुन रेखाथि, बिरोंदामिन आरो फालांगिजों सोमोन्दी गोनां आयदाफोराव गोथैयै सावरायनो थाखाय मोनथाम थाखोनि जथुम खुंगोन। च'आ शुक्रबारखालि सुलिवान आरो अकिबाजों फार्सेआरि जथुमबो खुंगोन। वाइट हाउसनि हायुंआरि रेखाथि

गौथुमनि बुंथिगिरि जन किर्बीआ बुंदोंमोनदि, जथुमफोरा गावजों गाव सान्नाय ओनसोलारि आयदाफोरि गुबैयै रेखाथि आबहावनि सायाव सावरायनो थाखाय मोनसे गोखों एजेन्डाजों थुलुंगानाय जागोन। जापाननि गाहाय मन्थिनि मावख'आ बुंदोंमोनदि, सा करियानि सायाव सावरायनायनि आयदाफोराव बावैसो सिगां गावनि गिबि रौनिया नायबिजिराग्र प्रहसाखौ हगारनाय जागोन, जायखौ सा करियानि दैदेनगिरि किम जॅन उनआ बुंदोंमोनदि आमेरिका आरो खोला करियानि रौनिया हाबाफोरनि सायाव नोजोर लाखिनो थाखाय गोनांथारमोन।

पुतिनखौ दावहायाव देरहासाद जाहोनो हाया: हादतगिरि ज' बाइडेन



वाशिंटन, 7 डिसेम्बर: आमेरिकानि हादतगिरि ज' बाइडेनआ फिन खनसेबाव इडक्रेनो सान्थिफोरि मदत हरनो खावलायदों। इडक्रेनआव रसियानि देरहासदनाया आमेरिकानि सान्थिफोरखौ दावहायाव ओंखारहोनो हागौ होनाबो बुडो। बिथानि बुंनयाय बायदिब्ला, रसियाआ इडक्रेनजों दावहायाव देरहायोब्ला बेसिमाव' थद'नाय नडा। नाट'नि हेफाजाबारि हादतफोरनि सायावबो गार्लोबगोन। इयुनखौ नायहरनानै हादतगिरि बाइडेनआ जायखौ जों मावनो सानाखै आरो हास्थायाखै बेखौ मावथारनांगोन, मानोना पुतिनखौ देरहाहोनो हाया। इडक्रेन-रसिया दावहायाव रसियायखौ देरहासाद जाहोनो हाया। मख'जाथावदि, रिपब्लिकान सिनेटरफोरा बुधवारव उमक्रेटिकखौ हेफाजाब होग्रा आयेनखौ ब्लक खालामनानै होबाय। जेयव इडक्रेन आरो इज्राइलनि थाखाय आरब-आरब डलारनि गोदान रेखाथि मदत हरनो दाबि खालामनाय जादोंमोन। हवाइट हाउसनि माहारियारि रेखाथि बोसोनगिरि जेक सुलिबानआ बुंदों, आमेरिकानि गोबाव समनिफ्रायनो रसियाजों सावययनायाव इडक्रेन सायाव नारसिनैनि गावनि थांखिआवनो दंबाय थयो। बेयो बिसोरनि सायावसो सोनगोन। बे रंखावरिखौ रेखाथियै लाखिनो नाजानायनि थाखाय सानफ्रोमबो दावहाखौ गावसोर सोलिहोबाय थागोन। बिथाडा बुंबावोदि, बे समाव इडक्रेननिफ्राय जानगर जानाया आमेरिकानि थाखाय मोनसे गिदिर जारिमिननि गैयै जागोन आरो जोबथारनायाव मोजां आरो देरहासाद जानायजों थांखिखौ मोनगोन।

चीननि गिखंथाव माइक 'प्लाज्मा निम'नियाया भारतआव सौफैबाय

गोदान दिल्ली, 7 डिसेम्बर: चीनआव गोसारनाय मोनसे गिखंथाव बेराम माइक'प्लाज्मा निम'नियाया भारतसिम सौफैबाय। चीनआव गथ'फोरखौ नोजोर होनाय समाव बे बेरामा दिल्लीयाव सौफैदों। जाउनाव गोबां बिमा-बिफाफोरा गावसोरनि गथ'फोरनि रेखाथिनि थाखाय जिंगा सिदों। बबेखानि, रोंग'साफोर आरो डक्टरफोर सुबुंफोरखौ गिनारनि अनगायै सांग्रां जानो बोसोन होदों। भारतआव एप्रिल आरो अक्टबरनि गेजेराव दिल्लीनि एम्स देहा फाहामसालियाव बे बेरामनि मोन 7 सेम्पल पजिटिभ मोन्याय जादों। एजेन्सिआ गार्से 67 आन्जाद खालामदोंमोन आरो बेखौ नायबिजिरबावनाय सोगासिनो दड। आर.टी.पी.सी.आर. बिरोंदामिनजों 30 आन्जाद खालामनाय जादोंमोन, जेराव मोनसे नमुनाखौ पजिटिभ मोन्याय जादों। बे एखे समावनो, आइजीएमएलिसा टेकनिकजों 37 आन्जाद खालामनाय जादोंमोन,



जेराव मोन 6 नमुनाफोरखौ पजिटिभ मोन्याय जादों। हादराव माइक'प्लाज्मा निम'नियानि थाखाय मोनसे ग्ल'बेल सार्थिलेन्स ग्रुप दड; जाय सम-सम आन्जाद नायबाय थयो। नाथाय बे खेबाव आरोबाव माखासे केस पजिटिभ मोन्याय जादों। पि.सि.आर. आरो आइ.जि.एम. एलिसा आन्जादनि पजिटिभिटे रेटआ फारियै 3 आरो 16 जौखोन्दी मोन्याय जादों। चीननिफ्राय करना बेरामजों नाखेबजानायनि उनाव बे बेरामनि गिनया भारतव गोसारनो हमदों। बुहुमनाडै बेनि केसफोर बांगसिनो दड आरो गोदान केसफोर फेबाय थानायनि जाहोनाव गिनया

सोमजिदों। गुबैयै चीनआव बे बेरामा जोबोद बांदों। बे समावनो इडरपनि गोबां हादरफोरावबो केसफोर बांदों। एम्स (दिल्ली)आ माइक'प्लाज्मा निम'नियानि गोसारनायखौ नायदिंगा ग्लबेल रि सार्च ग्रुपनि सोद्रोमा। माइक'प्लाज्मा निम'निया सन्देनाया सरसन्हायै उन्दै गथ'फोर आरो फनयसालियाव थानाय गथ'फोरखौ गोहोम खोखैयो। नाथाय बेयो सासे बैसोगोराखौबो बेंखनो हागौ। बेबादि थासारियाव होंगो-दोंगो जायगाफोरव थाग्रा आरो सन्देनाय जायगायाव थाग्रा एबा खामानि मावग्रा सुबुंफोरा बांसिनि खैफोदआव गोलैयो।

मस्क, 7 डिसेम्बर: रसिया आरो इडक्रेननि गेजेराव दावहा सोलिगसिनो दड। थानाय बोसोरनि फेब्रुवारी दाननिफ्राय दासिमबो बे दावहाया सोलिगसिनो दड। बेनि गेजेरजों इडक्रेननिफ्राय खारबोना रसियाआ सौफैनाय इडक्रेननि आगुनि एमपिखौ गुलि गावना बुथारो। इडक्रेननि सायाव गार्लोबनायनि उनाव खारनानै रसिया सौफैनाय इडक्रेननि सासे आगुनि एमपिनि गोथै सह'खौ मस्क खाथियाव बोखानो मोनो। बे जाथायनि उनाव इडक्रेननि सान्थिनि संगालि आफादआ सांग्राथि होना बुडोदि, इडक्रेननि संसदनि गुनि सोद्रोमा इलिया किभा (46) नि गोथौ सह'खौ थानाय बुधबारखालि मस्क'नि खाथियाव थानाय दरसे गामियाव बोखानो हायो आरो बिनि खर'याव गुलि नानायनि नेरसनो दडमोन, किभाआ



थानाय 2022 नि फेब्रुवारी दानाव विवभयाव रसियानि सान्थिफोरनि गार्लोबनाय समाव गावखौ गथाइनो आर'ज गावदोंमोन। रसियानि नायबिजिराग्र कमिटिया बुथारनायनि बे केसआव नायबिजिरनायखौ जागायो। मख'नो गोनांदि, किभाआ रसियाआव फोसावग्रा टिभि स्व'आव लांथियै बाहागो लाबाय थयोमोन। बे समाव बिथाडा माखासे खेब इडक्रेननि दैदेन्याखौबो सावरायदोंमोन।

इडक्रेननि बिबानगिरिफोरा बिनि सायाव जोलैनि हांगरनि दाय जाबसिन्दोंमोन। रसियानि बिबानगिरिफोरा किभा आरो रसियाआव गुबुन गार्लोबनायफोरनि थाखाय इडक्रेननि रेखाथि एजेन्सिफोरखौ दायनिगिरि फोरमायदों। फारसेथं दावहानि गेजेरजों इडक्रेनजों दावहा जानाया 22 दान थाखानायनि उनाव गिबि खेब रसिया हादतगिरि ब्लाडिमिर पुतिनआ दसै मुस्तिम हादतफोरव दावबायनो रवना होयो।

सुबुंखान्थि हादतफोरा चीननि हेंथायै ज' जानांगोन: होखार जानाय तिब्बती सरकारनि हादतगिरि

गोदान दिल्ली, 7 डिसेम्बर : तिब्बतनि सायख'जानाय सरकारनि हादतगिरि पेम्पा त्सेरिआ बुंदों, चीननि दबथायनायनि जाहोनाव तिब्बतनि सुबुंफोरा लासैयै जिउ जोबलांगसिनो दड। बे समाव बिथाडा बुडोदि, मुलुगनाडैनि सुबुंखान्थि हादतफोरखौ चीननि अखा आखुनि हेंथायै ज' जानो खावलायदों। हादतगिरि पेम्पाया पंचेन लामायाव सांग्रांथियारि



हाबाफारियाव बाहागो लादोंमोन। बेयावनो बिथाडा गावनि बिबुंथियाव बुडोदि, मुलुगनाडैनि

सुबुंखान्थि हादतफोरखौ तिब्बतआरिफोर, उडगर दैदेनगिरिफोर आरो हंकं आव

सुबुंखान्थिखौ हेफाजाब होग्रा मावफारियाफोर बायदि इडिडरि गोहोफोरखौ नायनांगो, जायजों बेइजिंआव बिनि गादबनाय आखुखौ नागारनो आरो हादतआव पजिटिभ सोलायनाय लाबोनायनि थाखाय नारसिनो हायो। तिब्बतान दैदेनगिरिया दालाय लामानि उनमोन्थाइगिरि सायख'नो आरो ओन्सोलाव चीननि दखल खालामनाया बांभोनाय बायदि

आयदाफोरव भारतनि रोखायै बाथा बुंनयायखौबो रायखाडो। बिथाडा बुंबावोदि, चीननि सोलो खान्थियारि थांखिफोर आरो यजनाफेरनि फारसे गोबां खम बुजिनो हानाय जायो आरो बेनि फारसे सांग्रांथि लाबोनायनि गोनांथि दड। सायख'जानाय दैदेनगिरिया चीननि सायाव चीननि आंगो गुदिबिथा आरो जारिमिनखौ सिलिंखार खलामनायनिबो दाय जाबसिन्दों।

पंचेन लामायाव सांग्रांथियारि हाबाफारियाव बाहागो लादोंमोन। बेयावनो बिथाडा गावनि बिबुंथियाव बुडोदि, मुलुगनाडैनि सुबुंखान्थि हादतफोरखौ तिब्बतआरिफोर, उडगर दैदेनगिरिफोर आरो हंकं आव सुबुंखान्थिखौ हेफाजाब होग्रा मावफारियाफोर बायदि इडिडरि गोहोफोरखौ नायनांगो, जायजों

बेइजिंआव बिनि गादबनाय आखुखौ नागारनो आरो हादतआव पजिटिभ सोलायनाय लाबोनायनि थाखाय नारसिनो हायो। तिब्बतान दैदेनगिरिया दालाय लामानि उनमोन्थाइगिरि सायख'नो आरो ओन्सोलाव चीननि दखल खालामनाया बांभोनाय बायदि आयदाफोरव भारतनि रोखायै बाथा बुंनयायखौबो रायखाडो। बिथाडा बुंबावोदि, चीननि सोलो खान्थियारि थांखिफोर आरो यजनाफेरनि फारसे गोबां खम बुजिनो हानाय जायो आरो बेनि फारसे सांग्रांथि लाबोनायनि गोनांथि दड। सायख'जानाय दैदेनगिरिया चीननि सायाव चीननि आंगो गुदिबिथा आरो जारिमिनखौ सिलिंखार खलामनायनिबो दाय जाबसिन्दों।

आइसिसि रैंकिंग आव भारतनि साखाथियाव गुबुन टीमफोरा जायगा आवग्रिनो हायाखै

गोदान दिल्ली, 7 डिसेम्बर: आइसिसिनिफ्राय फोसावनाय वन्डेन अनागयै टी-20 आरो टेस्टनि रैंकिंग आव सोलायनायखौ नुनो मोन्दौं। दानसे खावसे सानसिम सोलानाय आइसिसि वर्ल्ड कापनि जाउनाय टेस्ट आरो टी-20 रैंकिंग आव सुबुंफोरनि नोजोरआ गोमलैयाखैमोन। भारतआ खेब 5 टी-20 मेच गेलेनायाव अस्ट्रेलियानि हेंथायै देरहाखांनयनि उनाव बे खेबआव खोला आफ्रिकानि हेंथायै खेबथाम टी-20 मेच गेलेगोन। बे मेचआ फेगौ 10 डिसेम्बरनिफ्राय जागायगोन। बेबादि थासारियाव नो आइसिसिनि टीम रैंकिंग आव नोजोर लाखियोब्ला भारतआ मोनथामबो फर्मेटआव गिबियाव जायगा मोनो। जायखौ दासिमावबो मुलुगनि मोनबो टीमफोरा थिस, नो हायाखै।



आइसिसि टी-20 रैंकिंग आव भारतआ बयनिखुइबो बांसिन रेटि 265 जौं गिबियाव जायगा मोनानयनि उनाव 259 रेटिजौं इलेण्डआ जायगा मोन्दौं। बे फारिआव निउजिलेण्डआ 255 रेटिजौं थामथि नम्बरआव जायगा मोन्दौं। वन्डे रैंकिंग आवबो 121 रेटिजौं भारतआ गिबियाव आरो नैथि नम्बरआव 117 रेटिजौं

अस्ट्रेलियानि टीमआ जायगा आवग्रियो। बेनि उनाव 110 रेटिजौं निउजिलेण्डआ थामथि नम्बरआव जायगा आवग्रियो। टेस्टनि बाश्ना बुडेब्ला भारत आरो अस्ट्रेलियानि रेटिआ समानआव दड। नाथाय बेनि उनावबो आइसिसि रैंकिंग आव भारतजौं समान रैंकिंग आव सौहेनाया गुबुन टीमफोरनि थाखाय गोखौ सेलेन्ज जानानै फेयो।

रेटिजौं इलेण्डनि टीमआ जायगा मोनो। नाथाय टेस्टनि रैंकिंग आव थानाय 31 जुलाइनिफ्राय गोदान जानानै फेयाखै। टी-20 नि रैंकिंग आव फोसावदौं। बेबादि थासारिआव आइसिसि रैंकिंग आव भारतजौं समान रैंकिंग आव सौहेनाया गुबुन टीमफोरनि थाखाय गोखौ सेलेन्ज जानानै फेयो।

भलिबल क्लब वर्ल्ड सेम्पियनसिपआ भारतआव गिबियै खुंजादौं

गोदान दिल्ली, 7 डिसेम्बर: भलिबल क्लब वर्ल्ड सेम्पियनसिपनि 17 थि सिजनआ गिबि खेब भारतआव खुंजागोन। बे सेम्पियनसिपआव मुलुगनि टप भलिबल गेले गिरिफोरा बाहागो लाफैगोन। बेंगलुरुआव खुंजागो गोनां बे दुर्नामेन्टआव मोन 6 टीमफोरा सानब्रैसिम गेलेगोन। जायनि थाखाय भारतआ बेखौ खुंफुंनो थियारिआव दड। बे दुर्नामेन्टनि फाइनाल मेचआ फेगौ 10 डिसेम्बरआव जागोन। भलिबल वर्ल्ड काप सेम्पियनसिपआव भारतनिफ्राय मोनसे टीमआ बाहागो लागोन। भारतनिफ्राय आहमेदाबाद डिफेन्डर्स टीमआ गावसोरखौ पुल-बिआव लाखिदौं। बेयाव भारतनि टीमआ सोलिफु सेम्पियन इटलीनि सार सिगमा पेरुगिया आरो ब्राजिलनि मिनास टैनि स क्लबजौं सेलेन्ज आव ओंखारगोन। पुल-बिनि फारिआव तुर्कनिफ्राय कुलुबु, ब्राजिलनिफ्राय भलेइ आरो



हल्कबेक स्पर कुलुबु भीखौ सेलेन्ज आव नुगोन। बेफोर टीमखौ 2-2 नि गृप आव रानाय जागोन। आहमेदाबादनि डिफेन्डर्स टीमआ गावसोरखौ पुल-बिआव लाखिदौं। बेयाव भारतनि टीमआ सोलिफु सेम्पियन इटलीनि सार सिगमा पेरुगिया आरो ब्राजिलनि मिनास टैनि स क्लबजौं सेलेन्ज आव ओंखारगोन। पुल-बिनि फारिआव तुर्कनिफ्राय कुलुबु, ब्राजिलनिफ्राय भलेइ आरो

जापाननि सानबर्डसआ लाखिजादौं। राउन्ड रबिन स्टेजआव टीमफोरा गावजौं गाव खेबसे बादायगोन आरो मोनफ्रोम गृप आव टप-2 आव जायगा मोननाय टीमफोरा सेमिफाइनालनि थाखाय क्वालिफाइ जागोन। बे इभेन्टनि नैथि मेचआव आहमेदाबादनि डिफेन्डरफोरखौ एक्सनआव ओंखारगोन। बेनि उनाव भारतीय क्लबआव पुल मेचआव जोबथा मेच महैर सार सिकोमा

पेरुसियानि सेलेन्ज आव ओंखारगोन। सेमिफाइनालनि मेचआ 9 डिसेम्बरखालि खुंजागोन। भलिबल क्लब वर्ल्ड सेम्पियनसिप 2023 नि बे मेचफोरखौ सनि टिथिआव नुनो मोनगोन। थानाय 6 डिसेम्बरखालि हल्कबेक आरो सानबर्डसनि गेजे राव आहमेदाबाद डिफेन्डरआ इटम्बे मिनासनि सेलेन्ज आव ओंखारदौंमोन।

अभानी लेखरानि जिउ जाटिमिनआ थुलुंगा गोनां



गोदान दिल्ली, 7 डिसेम्बर: भारतनि मुंदांखा पेरा अलिम्पियन आरो राइफल शूटर अभानी लेखराआ गावनि रंगथिजौं हारिमायारि थाखोआव सिनायथिजानो हाबाय। 2020 आव जालानाय पेरा

अलिम्पिकनि 10 मिटर एयर राइफल स्टेन्डिआव सनानि मेडेल आरो 50 मिटर राइफल थ्रि पजिसनआव बिथाड ब्रन्ज मेडेल देरहानानै हादरनि मुंखौ लाखिदौं। बे समाव बिथाड शूटि पेरा रैंकिंग आव गिबि

नम्बरआव जायगा मोन्दौं। गावनि रंगथिनि थाखाय अभानीआ पेरा अलिम्पिक एवार्डस 2021 आव साबसिन आइजो डेब्युनि बिमुंजौं मान होजादौंमोन। खेले इन्डिया पेरा गेम्स जागायजेनायनि सिगां

बिथाड गावनि रंगथिजौं गोबां गेलेगिरिफोरनि थुलुगानि फुंखा जानानै फेदौं। खेले इन्डिया पेरा गेम्सआव दर 32 राइज्यो आरो मिरुजौं सामलायजानाय राइज्योफोरनिफ्राय सा 1350 गेलेगिरिफोरा बाहागो लादौं। बे समाव लेखराआ खौरंगिरिफोरनि सिगाडाव जानो गोनां पेरिस अलिम्पिकनि थाखाय गावनि थियारिथिखौ फोरमायदौं। बिथाड खेले इन्डिया गेम्सनि गिबि लन्व खालामनायखौ गोजेनाय फोरमायदौं आरो बे गेम्सनिफ्रायनो मोजां मोजां गेलेगिरिफोर नुनो मोननायखौ बाखायदौं। सोगोसे बे गेम्सखौ भारतीय गेलेगिरिफोरनि थाखाय जर'खा प्लेटफर्म फोरमायदौं। पेरा

एसियान गेम्सआव गावनि दिन्थिफुंनयखौ बिथाड गुबुन मोनसे जाफुंसारनाय फोरमायदौं। सोगोसे बेयाव थानानै मोनब्रे इभेन्टआव गावनि गेलेनाय आरो एसियान रेकर्डजौं सनानि मेडेल देरहानायखौ जर'खा फोरमायदौं। बे देरहानायखौ गावनि जर'खा जाफुंसारनाय फोरमायनानै आबुं बादायनाय समाव गावनि देरहानो गोब्राब नाजानायखौ फोरमायदौं। जानो गोनां पेरिस अलिम्पिकनि सायाव गावनि गोब्राब नाजानायखौ फोरमायनानै बेयाव जर'खायै दिन्थिफुं'नो नाजागोनखौ फोरमायदौं। जायनि जाउनाव बिथाड गावनि सायाव फोथायनाय होनानै बे गेम्सआव गावनि दिन्थिफुं'नयनि आदोबखौ फोरमायदौं।

सचिन तेन्दुलकारनि 100 थि सेन्सुरिखौ कहलीआ सिफायनो हागौनि सायाव लाराआ बाश्ना बुंदौं

गोदान दिल्ली, 7 डिसेम्बर: भारतीय क्रिकेटनि सानै मुंदांखा गेलेगिरि सचिन तेन्दुलकार आरो भिराट कहलीनि गेजे राव जेब्लाबो बादायनाय जाबेदौं। थानाय माखासे सान सिगांसो कहलीआ तेन्दुलकारनि खेब 49 सेन्सुरिखौ उनाव लाखिनानै जाटिमिनारि खेब 50 सेन्सुरि लाखिदौं। बेबादि थासारिआव कहलीनि इन्टारनेसनेल क्रिकेटआव तेन्दुलकारनि खेब 100 सेन्सुरिनि समानआव सौहेगोननि सायाव वेस्ट इन्डिजनि बेटसमेन ब्रायन लाराआ इसारा होदौं। 2024 आव भारतआ खेब 5 वन्डे मेच गेलेगोन आरो टी-20 फर्मेटआव कहलीनि गेलेगोनखौ



दासिमावबो बुंनो हाया। बेबादि थासारिआव कहलीआ तेन्दुलकारनि खेब 100 सेन्सुरिआव सौहेगोब्ला फेगौ 4 बोसोरसिम लान्थियै खेब 5 सेन्सुरि लानांगौ जायो। बेबादि थासारिआव कहलीनि फेन लाराआ खौरंगिरिनि सौंथिआव गावनि मोन्दांथि बादिथै कहलीखौ तेन्दुलकारनि समान

सेन्सुरिआव सौहेगो थाखाय गोब्राब थासारिखौ फोरमायदौं। नाथाय लाराआ बे समाव बिथानि समानआव सौहेगोननि फारिआव गिबियै कहलीआनो थागोन होनानै दाबि दैखदौं। लोगोसे कहलीनि गासैबो गावनि जेनाखौ नेवसिगारनानैब्लाबो कहलीनि गोब्राब नाजानायखौ फोरमायदौं।

लुइस सुआरेजआ गावनि बिदाइ मेचआव डाबल गल सोदौं

ब्रासिलिया, 7 डिसेम्बर: लुइस सुआरेजआ ग्रेमियनि थाखाय गावनि बिदाइ मेचआव गरनै गल सोदौं। जायनि मददजौंनो ब्राजिलनि टीमआ रिय-डि-जेनेरियनि माराकाना स्टेडियमआव फ्लुमिनेन्सखौ 3-2 गलआव फेजेन्दौं। 36 बोसोरनि उरुवेनि आइकन लुइसआ इन्टारमियामीआव लियनेल मेसिजौं मोजां सोमोन्दोआव दडमोन। बिथाड मेचनि 43 थि मिनिटआव गल सोनानयनि उनाव 64 मिनिटआव मोननाय फेनालिटिआव गल



सोदौं। बिथानि गल सोनायजौंनो ग्रेमियआ ब्राजिलनि सेम्पियनसिपआव नैथि नम्बरआव सौहेदौं आरो सेम्पियन पाल्मेरासनिफ्राय 2

पइन्ट फारागथिआव सौहेदौं। बे सिजनआ सुआरेजनि थाखाय ब्राजिलनि फुटबल फोथारआव मोनसे जर'खा सिजन जानानै फेदौं। मानोना बिथाड खेबसे

सिजननि उनाव गावनि 2 बोसोरनि रादायखौ बाडाइ खालामनानै लादौं आरो जाहोनखौ गावनि बैसोनि थाखाय देहायारि थासारिखौ नोजोर लाखिनानै आन्त्रायनानायखौ फोरमायदौं। केपेन महैर ग्रेमियखौ दैदेनाय सुआरेजआ 2023 नि सिजनआव क्लबनि खेब 64 मेचफोराव खेब 54 मेच गेलेदौंमोन। जायनि गेजेराव बिथाड 29 गल सोदौं। बिथाड ब्राजिल लीगआव नैथि बयनिखुइ बांसिन गल सोग्रा महैर सिजनखौ फोजोबदौं। सुआरेजआ मियामीआव बारसिलनानि बारग' लोगो गेलेगिरि मेसिजौं लोगो जाहेगोननि खौरंखौ नेवसिगारदौं आरो बेनि फिन्नायाव बिथाड गावनि नख'र आरो देहानि थाखाय नोजोर लाखिनांगौनि गोनांथिखौसो फोरमायदौं।

प्रिमियार लीगआव मन्चेस्टर इउनाइटेडआ सेलसिखौ फेजेन्दौं

मन्चेस्टर, 7 डिसेम्बर: सोलिफु सप्ताहआव पेप गार्डियलाआ मन्चेस्टर सिटिखौ देरहागोन होना दाबि दैखानानै प्रिमियार लीगनि ब्रैथि बिमुंखौ देरहागोननि फोथायथि होदौंमोन। बिथानि बुंनाय बादिथैनो टीमआ आवगायनो हादौं। जेराव इउनाइटेडआ सेलसिखौ 2-1 गलआव फेजेन्नानै गावसोरनि गेजेराव 3 पइन्ट फारागथि लाबोनो हादौं। सोलिफु सेम्पियन एस्टन भिल्लाआ नाथाय बे सानखालि 1-0 गलनि फारागआव जेन्नादौं। टीमनि कच थेन हागआ गावसोरनि हान्थिनानयनि गोखौ नोजोरखौ फोरमायनानै दिदोमे मोजां लामाजौं आवगायनो हानायखौ फोरमायदौं। बिथाड



सिगां फार्से गावसोरनि फोथायनाय जे देरहालांबावगोननि बाश्ना होनानै दासिमाव देरहानायजौं गोजेनाय गैयैखौ फोरमायदौं आरो गावसोरनिफ्राय साबसिनै दिन्थिफुं'नो लुबैदौं। स्कट

मेक्ट'मिनेनिनि गरनै गल सोनाया देरहानायनि फोरमान जादौं आरो इउनाइटेडखौ 6 थि नम्बरआव लाबोनानै ब्रैथि नम्बरआव जायगा मोननाय सिटिनिफ्राय 3 पइन्ट' फारागथिआव लाबोदौं। थेन

हागआ सेलसि टीमजौं रुजुनायाव जोबोद गोखौ सेलेन्जजौं मोगा-मोगि जानादौं। जायनि जाउनाव दासिमाव टड बहली आरो क्लियार लेग के पिटेलनि बिगोमानि सिडाव मोनसे गुलाय-गुजाय गिबि सिजननि हेंआभारआव गोमलैनाय दड। फेगौ सप्ताहआव सेम्पियन्स लीग नक आउट स्टेजआव बिथाड आरोबाव टीमखौ आवगायहोनो नाजागोन। इउनाइटेडनि मेनेजारआ टीमखौ देरहागोननि थाखाय गेलेगिरिफोरनि गेजेराव थुलुगानाय लाबोनो नाजाबावगोन। सिटिनि थानाय खेबथाम मेचनि बादायनाया डू स्करआवनो थुंलौदौं। जाउनाव आर्सनेलआ 4-3 स्करआव लुथननि हेंथायै देरहानायजौं 6 पइन्ट स्करआव आवगायहैदौं।

अस्ट्रेलियान अपेनआव वज्जियाकीआ वाइल्ड कार्डजौं जायगा मोन्दौं

मेलबर्न, 7 डिसेम्बर: मुलुगनि बारग' नम्बर-1 गेलेगिरि केरलनि वज्जियाकीआ अस्ट्रेलियान अपेन 2024 नि थाखाय वाइल्ड कार्ड मोनबाय। बिथाड सिजननि गिबि ग्रेन्डस्लेमआव गावनि सानैबो उन्दैफोरखौ लानानै दावबायफैनायनि फार्से सानगासिनो दड। अस्ट्रेलियान अपेन 2018 नि सेम्पियन वज्जियाकीजौं लोगोसे अस्ट्रेलियानि सा 6 गेलेगिरिफोरा गिबि राउन्डआव वाइल्ड कार्ड मोन्दौं। 3 बोसोर ब्रेक लानानयनि उनाव 33 बोसोरनि वज्जियाकीआ थानाय आगस्ट दानआवसो कर्टआव बाहागो लाफिन्दौं। बिथाड मन्ट्रियल आरो सिनसिनाटीआव गेलेनायनि उनाव आमेरिकान अपेनआव ब्रैथि राउन्डसिम सौहेनायनि उनाव कक गफजौं जेनहैदौं। वज्जियाकीआ जानो गोनां अस्ट्रेलियान अपेनआव गावनि फिसाजो अलिथिया आरो फिसाज्जा जेम्सखौ लानानै दावबायफैगोननि

गेलेगिरि सचिननि नाजानायाव 10 मिनिटनि गेजेराव 11-10 स्करआव उन जाहैदौंमोन। बेनि उनाव सचिनआ लान्थियै टीमखौ आवगायहोनायाव बिहोमा होदौं। मेचनि गेजेर समनि सिगां पाइरेटसआ खेबसे अलआउट खालामबावनाय 28-16 स्करआव आवगायदौं। बेनि उनाव पाइरेटसआ नैथि हाफआवबो मोजाडै दिन्थिफुं'नो आरो जोबनायसिमआव गिदिर स्करआव देरहाहैदौं।



बाश्ना बुंदौं। लोगोसे बिसोरखौ लानानै गावनि दावबायनो गोनां दुर्नामेन्टआव दिन्थिफुं'नो थियारिखौ फोरमायदौं।

गोदान दिल्ली, 7 डिसेम्बर: रेडर सचिननि गोखोडै दिन्थिफुंनयनि मददजौं पाटना पाइरेटसआ प्र: काबाडि लीगआव तेलगु टाइम्सखौ गिदिर स्कर 50-28 नि फारागआव फेजेन्दौं। सचिनआ बे समाव 14 पइन्ट लानानै गावनि टीमखौ देरहानायव बिहोमा होनो हादौं। टाइम्सनिफ्राय पवन सेहरावतआ बयनिबो बांसिन 11 पइन्ट लादौंब्लाबो गुबुन गेलेगिरिफोरनि मदद मोनाखै। बे मेचआव टाइम्सआ जागायजेनाय समाव दबथायनायखौ लाखिनो हादौंब्लाबो पाइरेटसनि

गेलेगिरि सचिननि नाजानायाव 10 मिनिटनि गेजेराव 11-10 स्करआव उन जाहैदौंमोन। बेनि उनाव सचिनआ लान्थियै टीमखौ आवगायहोनायाव बिहोमा होदौं। मेचनि गेजेर समनि सिगां पाइरेटसआ खेबसे अलआउट खालामबावनाय 28-16 स्करआव आवगायदौं। बेनि उनाव पाइरेटसआ नैथि हाफआवबो मोजाडै दिन्थिफुं'नो आरो जोबनायसिमआव गिदिर स्करआव देरहाहैदौं।